

42494

教科書文庫

4
820
44-1941
20000 66273

S. 16.  
1941

Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19




© Kodak, 2007 TM: Kodak

Kodak Color Control Patches

Blue Cyan Green Yellow Red Magenta White 3/Color Black

© Kodak, 2007 TM: Kodak



4C
820
0216

新中等漢文

卷三



資料室  
濟定檢省部文  
實科教科語國校學業實 日五十月八年六十和昭  
之校軍  
印藏兵

# 新中等漢文

第一高等學校教授佐久節編

島大學  
教  
66273  
書

4c  
820  
9B16

浜本純逸 寄贈

## 凡例

- 一 本書ハ實業學校ニ於ケル漢文教科書ニ充テシガ爲ニ所定ノ教授要目ニ準據シテ編纂セルモノナリ。
- 一 教材ノ採擇ニ就イテハ特ニ次ノ事項ニ重點ヲ置キタリ。
- (イ) 國體觀念ヲ明徴ニスルコト。
  - (ロ) 敬神崇祖ノ精神ヲ養成スルコト。
  - (ハ) 智徳ノ圓滿完全ナル陶冶ニ資スルコト。
  - (ニ) 實踐躬行ノ氣風ヲ促進スルコト。
  - (ホ) 國民精神ノ作興ニ資スルコト。
  - (ヘ) 少年ノ心理ニ適應シ能ク生徒ヲシテ感奮興起セシムルコト。

- 一 教材ノ排列ニハ事實ノ關聯思想ノ連絡季節ノ適合ヲ考慮シ最善ノ工夫ヲ講ジタリ。
- 一 作者ヲ示スニ或ハ名ヲ以テシ或ハ號ヲ以テセルハ世間通行ノ稱呼ニ從ヘルナリ。

昭和十二年六月

編者



子王二及子太德聖

二憲法十七條

# 新中等漢文卷三

## 目次

一 我國體	川北梅山	一
二 憲法十七條	舍人親王	二
三 桓武天皇	青山延子	五
藤原緒嗣(練習)	青山延子	六
四 京都名勝	依田學海	七
五 嵐山櫻花	齋藤拙堂	九
六 江南春	杜牧	一〇
七 進學喻	柴野栗山	一一

八 習 說……………尾藤二洲……………一四

九 題 鞭 駝 錄……………鹽谷宕陰……………一五

一〇 中江藤樹……………鹽谷宕陰……………一六

一一 其 二…………………………一八

一二 熊澤蕃山……………鹽谷宕陰……………二〇

一三 屋島之戰……………賴山陽……………二二

    一 義經發渡部…………………………二三

    二 義經至屋島…………………………二五

    三 宗高斷扇鼓…………………………二七

    四 一軍感泣…………………………二九

一四 了伯聽平語……………大槻磐溪……………三〇

一五 元 寇……………賴山陽……………三三

一六 蒙古來……………賴山陽……………三五

一七 宮崎八幡宮……………青山延壽……………三七

一八 筑前城下作……………廣瀬淡窗……………三九

一九 正成勳王……………賴山陽……………四一

    一 天誅乘時何賊不斃…………………………四三

    二 天子在焉吾未可以死也…………………………四二

二〇 義貞陷鎌倉……………賴山陽……………四四

二一 畫島鎌倉……………川田剛……………四六

二二 其 二…………………………四九

二三 湊川之戰……………賴山陽……………五一

    一 以身殉國有死無他…………………………五一

    二 七生人間以殺國賊…………………………五三

二四 題補公訣子圖…………… 賴山陽… 六

二五 四條畷之戰…………… 賴山陽… 六

一 臣生死決於今日…………… 五  
二 百四十三人悉死之…………… 五

二六 芳野三絶…………… 三

一 芳野花下有感…………… 賴杏坪… 三

二 芳野懷古…………… 藤井竹外… 三

三 芳野懷古…………… 河野鐵兜… 三

二七 元就義戰…………… 賴山陽… 六

一 上書請討晴賢詔…………… 六

二 克可必也…………… 六

三 天助我也…………… 七

二八 日本三景…………… 七

一 嚴島…………… 齋藤竹堂… 七

二 松島…………… 安井息軒… 七

三 天橋…………… 青山延壽… 七

二九 河中島之戰…………… 賴山陽… 九

一 兩軍夾水而陣…………… 九

二 豎子在此乎…………… 九

三 前逼信玄麾下…………… 九

三〇 題不識庵擊機山圖…………… 賴山陽… 八

三一 西條山…………… 青山延壽… 七

三二 信長勤王…………… 賴山陽… 九

三三 賤岳七槍…………… 賴山陽… 九

一 勝家悉引兵至柳瀨……………九二  
 二 秀吉縱兵乘之……………九四  
 三四 阿閉掃部……………大槻磐溪…七  
 三五 觀曳布瀑遊摩耶山記……………齋藤拙堂…九  
 三六 齋蕎麵者傳……………中井履軒…一〇二  
 三七 聚樂行幸……………賴山陽…一〇四  
 三八 豐公雄圖……………賴山陽…一〇六  
 一 吾欲遂略地至明……………一〇六  
 二 先遣水陸九軍蔽海而渡……………一〇九  
 三九 豐公裂册書……………賴山陽…一二三  
 四〇 裂封册……………賴山陽…一二五  
 四一 豐臣太閤論……………青山延光…一二六

四二 山鹿素行傳……………鹽谷簧山…一三〇  
 四三 大高忠雄訣母書……………青山延光…一三三  
 四四 烈士喜劍碑……………林鶴梁…一三六  
 四五 泉岳寺……………阪井虎山…一三一  
 四六 鍛工助弘傳……………菊池三溪…一三一  
 四七 林子平傳……………齋藤竹堂…一三五  
 四八 其 二……………三三七  
 四九 高山彥九郎傳……………賴山陽…一四二  
 五〇 其 二……………一四五  
 五一 陪遊笠置山記……………齋藤拙堂…一四九  
 五二 其 二……………一五三  
 五三 梅溪遊記……………齋藤拙堂…一五七



五四 其 二……………一五

五五 豫科卒業生宴集引……………鹽谷時敏……………一六

五六 偶 成……………木戶孝允……………一六

五七 振作國民精神大詔……………一六

目次終

新中等漢文卷三

一 我國體

川北梅山

川北梅山  
 名ハ長順、伊勢ノ津ノ人。明治三十八年歿ス。年八十四。  
 坤輿地球。

坤輿之上、環而國者六十餘。有君主、有民主、國體各異。而大率出於上下爭奪、強弱抑制之餘。如我邦、獨不然。開闢以來、皇統一系、億兆臣事、無他志。且士民概亦屬皇祖、支裔列聖、視民猶子、士民仰上猶父。義則君臣、情則父子、是我國體之所以卓越萬國也。爲

臣民者、安可不思其所自乎哉。(夢清樓存稿)

二 憲法十七條

舍人親王

皇太子  
御名ハ鹿戸、用  
明天皇ノ皇子、  
聖德太子ト稱ス。

推古天皇十二年夏四月丙寅朔戊辰皇太子親肇  
作憲法十七條。

一曰、以和爲貴、無忤爲宗。人皆有黨、亦少達者。是以  
或不順君父、乍違于隣里。然上和下睦、諧於論事、則  
事理自通、何事不成。

三曰、承詔必謹。君則天之臣、則地之天覆地載、四時  
順行、萬氣得通。地欲覆天、則致壞耳。是以君言臣承、

上行下靡。故承詔必慎、不謹自敗。

四曰、群卿百寮、以禮爲本。其治民之本、要在乎禮。上  
不禮而下非齊、下無禮、以必

有罪。是以群臣有禮、位次不  
亂、百姓有禮、國家自治。

六曰、懲惡勸善、古之良典。是  
以無匿人善、見惡必匡。其諂  
詐者、則爲覆國家之利器、爲

絕人民之鋒劍、亦佞媚者對上則好說、下過逢、下則  
誹謗上、失其如此人、皆无忠於君、無仁於民。是大亂

十七條憲法  
一、以和爲貴、無忤爲宗、人皆有黨、亦少達者、是以  
或是不順君父、乍違于隣里、然上和下睦、諧於論事、則  
事理自通、何事不成。  
二、承詔必謹、君則天之臣、則地之天覆地載、四時  
順行、萬氣得通、地欲覆天、則致壞耳、是以君言臣承、  
上行下靡、故承詔必慎、不謹自敗。  
三、群卿百寮、以禮爲本、其治民之本、要在乎禮、上  
不禮而下非齊、下無禮、以必有罪、是以群臣有禮、位次不  
亂、百姓有禮、國家自治。  
四、懲惡勸善、古之良典、是以無匿人善、見惡必匡、其  
諂詐者、則爲覆國家之利器、爲絕人民之鋒劍、亦佞媚者  
對上則好說、下過逢、下則誹謗上、失其如此人、皆无忠  
於君、無仁於民、是大亂。

法憲條七十

群卿  
モロモロノ公卿。  
百寮  
寮ハ僚ニ同ジ。  
多クノ役人。百  
官。

无  
無ニ同ジ。

之本也。

九日、信是義本。每事有信。其善惡成敗、要在信。群臣共信、何事不成。群臣無信、萬事悉敗。

瞋  
イカリ。忿怒。

十日、絶忿棄瞋、不怒人。違人皆有心。心各有執。彼是則我非、我是則彼非。我非必聖、彼非必愚。共是凡夫耳。是非之理、誰能可定。相共賢愚、如環无端。是以彼人雖瞋、還恐我失。我獨雖得、從衆同舉。

間  
暇ナリ。

十六日、使民以時。古之良典。故冬月有間、可以使民從。春至秋、農桑之節、不可使民。其不農何食、不桑何服。

十七日、大事不可獨斷。必與衆論。小事是輕、不可必衆。唯速論大事、若疑有失。故與衆相辨、辭則得理。

(日本書紀)

三 桓武天皇

青山 延于

古之人君、所以廓大功業、而開拓境土者、莫不由內有審諤之臣、以匡輔其德。外有爪牙之士、以宣布其威也。桓武天皇、天姿英邁、內務興役、外事戎旅、任用才俊、文武稱職。獻可替否、則有藤原緒嗣之徒。折衝禦侮、則有阪上田村麻呂之徒。故能一攘蝦夷、而終

審諤  
言葉ヲ飾ラズ直  
言スルコト。  
興役  
普請スルコト。  
平安ニ都ヲ遷シ  
給ヒシコトヲ指  
ス。  
戎旅  
軍旅ニ同ジ。戰  
争。  
獻可替否  
獻ハ進ナリ。替  
ハ廢ナリ。善ヲ  
ススメ惡ヲステ  
ルコト。

徭役  
書  
書經。五經ノ一。

無東顧之憂。暫營都城。而永建無疆之基。觀其聽緒嗣之言。立罷徭役。可謂改過不吝。從諫如流者矣。書



桓武天皇

云。知人則哲。又云。好問則裕。天皇既有知人之鑑。又有納諫之美。其所以能成洪業。而垂裕後昆者。蓋以此歟。(皇朝史略)

藤原緒嗣(練習)

青山延子

延曆二十四年冬十二月。桓武天皇召群臣議政事得失。參議藤原緒嗣言。方今之患。在兵與土木。

請罷二者。以紓民力。天皇嘉之。立罷其役。緒嗣百川之子也。(皇朝史略)

改過不吝 從諫如流 垂裕後昆


四 京都名勝

依田學海

京都。在山城國。東西北環山。有鴨水南流。清冽無比。蓋山水明媚。爲全國之冠焉。往昔桓武天皇奠都於此。明治初。車駕遷東京。千有餘年間。爲歷世帝都。屢經兵燹。然神社佛閣。存者猶多。結構古雅。可以徵舊典。可以觀往迹也。

兵燹  
兵火。戰ノ爲ニ  
オコル火災。  
舊典  
昔ノ法式。

神社之有名者、加茂・八阪・北野・護王等、是也。佛閣則、



古歌  
見渡せば柳櫻を  
こきまぜて都ぞ  
春の錦なりける  
(業性法師)

百畝、花爛漫如紅雲湧出、實壯觀也。古歌云、都之春

知恩院、及東西本願寺、金閣寺、銀閣寺、清水寺、仁和寺、大德寺等、泉石之巧、建築之妙、他州所無也。遊觀之勝、則嵐山、御室之櫻、梅尾、高雄之楓、四條之納涼、圓山之眺覽、爲最焉。而圓山之垂絲櫻、其蔭覆

成錦其盛可知矣。

清冽 明媚 車駕  
兵燹 結構 爛漫  
壯觀

五 嵐山櫻花

齋藤拙堂



寺 關 金

天下名花、古今首推吉野。余以

爲吉野有山無水。未若嵐山之最佳也。嵐山之花之多、雖遜吉野、巖榎牙而水清駛。方花時、望之、榎之泛、橋之臥、人之來往坐立、宛在畫圖中。余謂梅花以月瀨

榎牙  
カドダツサマ。  
宛  
サナガラ。  
月ガ瀨  
奈良縣添上郡ニ  
在リ。

爲最、而櫻花以嵐山爲最、皆兼山水之勝、故也。  
余嘗遊嵐山、戀賞至夕、不能去。既遇月出、益覺嬋娟、  
遂留宿焉。翌早、候旭日升、復出觀之、芳霧靄然、溢溪  
山、又爲一奇。於嵐山之景、庶幾盡之。(拙堂文話)

槎牙 戀賞 靄然 嬋娟 庶幾盡之

杜牧 唐ノ詩人。

六 江南春

杜牧

千里鶯啼綠映紅。 水村山郭酒旗風。  
南朝四百八十寺。 多少樓臺煙雨中。

南朝 吳・晉・宋・齊・梁 陳ノ六朝ハ江南ニ都ス。故ニ南朝トイフ。

柴野栗山

名ハ邦彦、禮殿ノ人。幕府ノ儒官。文化四年ニ没ス。及ス。年七十二。

甲午

安永三年(一八〇二)時ニ栗山京都ニ在リ。

室津

港ノ名。今ノ兵庫縣榑保郡室津村。

東寺

京都ニ在リ。

吉峰

京都府乙訓郡大原野ニ在ル善峰寺ヲイフ。

啓籠

開帳。

差池

アトニナリ、サキニナル。

七 進學喻

柴野栗山

甲午春、予省親南國。以未知攝播勝概、欲因以窮之。乃陸路直赴室津。中路偶有感、得進學之方。書以自警、且以諭二三友人。

三月二十二日、詰旦、輕裝取路、東寺南。暮春、天氣風日和煦。加以西山吉峰大士像、啓龕。都人士女、相將行。香輿者、騎者、步者、負者、抱者、絡繹盈路。吾以獨行、心孤、漫與路人問語、相勞、乞火、吹煙、分菓、醫渴、行相、談、謔、以自慰。但、予以前途遼遠、心遽脚忙、不能與近、郊遊人、差池、逍遙、與一人言、未了、又與前者語。如此。

數人之後、顧初與言者、既在數里之後、不復可辨眉目也。半日後、則山轉林蔽、杳不見影響也。

吾思、與嚮數人、舉足進步、較之一步之間、其所爭、雖

多不能以寸。惟積數

分之多、漸進而先也。

初其數十百步之相

前後、亦便旋佇立之

頃、猶可一蹶而及焉。



東寺五重塔

半日後、非復一蹶之可庶幾矣。如此而至乎十日之後、則雖有輕車駿馬、將無所可企望也。

羸弱  
ヨワキコト。

我羸弱難於步、而彼非皆老幼婦女也。然而吾所以能漸先彼而進者、何也。此無他、彼之所期、在十數里之內矣。故其心怠也。吾之所期、在數百里之外矣。故其心勤也。我於是曉學之方焉。請諸君期於數百里之外、而無忽一步之功也。可。(栗山文集)

(一) 非皆老幼婦女  
皆非老幼婦女  
非必仁者  
必非仁者

(二) 前途遼遠 差池逍遙 便旋佇立 風日和煦

(三) 詰且 絡繹 詼譎 羸弱 庶幾 醫渴

八 習說

尾藤二洲

尾藤二洲 名ハ孝廉、伊豫ノ人。幕府ノ儒官。文化十年(三十四)歿ス。年六十九。  
一龍一猪 唐ノ韓愈ノ符讀ニ書城南ニ、一三十一骨酪成、乃一龍一猪。

夫子 孔子ヲサス。性相近也云云 論語ニ見ユ。

兩兒相嬉、在于閭巷之中。跨竹而走、驅犬而鬪。其所爲、莫不相似也。稍長、各異趨舍、日疎月遠、其所爲、莫不相反也。及其壯也、乃一龍一猪。奚啻韓子所言而已哉。嗚呼、此何故也。豈非習使之然也歟。是故、習可以爲智、可以爲愚、可以爲賢、可以爲不肖。習之於人、所係、其不大乎。吾視馬之習于火者、聞災即嘶、見焰即馳、與常馬慄而却走者、殆如殊其類。故君子慎乎習。習而不解、何憂其無成焉。夫子曰、「性相近也。習相

遠也。習之於人、其可不慎哉。(靜寄軒文集)  
莫不相似也 || 相似也 莫不相反也 || 相反也

九 題鞭駘錄

鹽谷宕陰

荀卿 周末ノ儒者。

駘駘 駘馬ナリ。因ツテ鈍材ノ意ニ轉用ス。

駘馬可至千里耶。曰、可。何以知其可也。吾聞之荀卿氏曰、「騏驥一日而千里、駘馬十駕、則亦及之矣。」使荀卿妄人耶、則已。苟荀卿之非妄人耶、則必不敢欺後人也。然則、十駕之術如何。曰、鞭之、鞭之、鞭之、而又鞭之。今日行十里、明日行十里、行行不息、百年如一、必至所志、斃而後已。其是庶幾及之歟。予駘駘也、而有志



卓櫃  
卓ハ俗ニ皂ニツクル。槽櫃ニ同ジ。槽ハ馬ノ食器。櫃ハ脫ノ板敷。

加藤貞泰  
大洲藩主。  
大洲  
今ノ愛媛縣喜多郡大洲町。  
童卯  
卯ハ幼軍ノ束髮ノ貌。幼軍ヲイフ。  
壹是  
一切ニ同ジ。  
四書大全  
明ノ胡廣等勅ヲ奉ジテ撰ス。三十六卷アリ。

於千里。以古人爲鞭。揮之以氣。以追騏驥之風。寧中道而斃。不願蠢蠢然帖耳乎卓櫃間也。作鞭駘錄。

一〇 中江藤樹

鹽谷 宕陰

中江原、字惟命、近江人。父吉次、隱於農。祖吉長、仕加藤貞泰於大洲。取原爲己子。原生有異稟。童卯如成人。年十一、始讀大學。至自天子。以至於庶人。壹是皆以修身爲本。歎曰：「聖人豈不可學而至焉乎？」因淚下沾衣。會有僧自京師來。就受論語。後得四書大全。時俗尙武。士人斥讀書者不交。於是晝與諸士習武技。

夜則挑燈誦讀。刻苦淬厲。有弗通。輒凝思精考。夢寐間。或如有神示之。卒深造自得。既而吉長死。原歸近江。省母。欲伴來。母不欲。踰海。如他鄉。原乃獨返大洲。思慕弗已。因請致仕歸養。不許。乃鬻家什。償債。棄官而逃。還近江。所携資銀僅百錢。

原行誼淳篤。聰明內蘊。其導子弟。專講孝經。揭愛敬二字。懇懇說示。曰：「愛敬是人心自然。感通猶水之流。濕火之就燥也。吾人全爲氣習所蔽。然父子兄弟間。猶有時發見。苟認得斯心。以存養。則聖賢氣象。不難窺知也。」每引村民訓諭之。人無賢愚。皆服其教。雖商

皮閣  
棚ニノセテオク  
コト。

賈亦知廉恥。至旅舍茗肆。有客所遺物。輒必度閣之。以俟焉。竟不收用。有里人供驛。受值餘二錢。追客還之。其人曰。汝一何廉也。曰。非敢廉也。吾師之教。乃爾。鄉人推尊。稱爲近江聖人。學者自遠至。受業。以其家有古藤。號曰藤樹先生。

一一 其二

初原在大洲。與大野某善。其子了佐愚昧。某慮不能嗣家。欲使服賤業。了佐心恥之。竊就原請學醫。原憫之。授諸大成論。誦讀數十百遍。不能記一字。及原還

愚昧  
愚鈍ナリ。

大成論  
醫書。元ノ孫允  
賢ノ著一卷アリ。

循循  
次第順序アルコ  
ト。  
雅飭  
タダシイマシム。  
辟召  
招聘ナリ。

近江復來學。爲著醫筌。授之。了佐終以醫成家。原嘗

# 致良知

中江藤樹筆蹟

語諸生曰。吾於了佐。殆乎竭吾精力矣。然非彼勤苦之深。吾末如之何已。二三子天資夙非。了佐比。苟有志。何患不成焉。弟子皆循循雅飭。隨資成器。原聞望既高。諸侯辟召。前後峻拒。不應。備前國主池田光政。厚禮聘之。原稱老且病。令其子弟及門人往。及疾病。屏婦女。隱几兀坐。召門人曰。吾逝

慶安  
後光明天皇ノ年  
號。元年(三三〇)  
熊澤伯繼  
蕃山下號ス。

矣。誰任斯文者言畢而暝。年四十一。時慶安元年也。池田光政使熊澤伯繼往賻。及葬隣里鄉黨扶老携幼。涕泣送柩。如喪父母。邑人修其宅爲祠堂。春秋奉祀弗廢。(昭代記)

一一 熊澤蕃山

鹽谷 宕陰

正保  
後光明天皇ノ年  
號。二年(三三三)  
肥笨  
肥滿ナリ。

正保二年池田光政聘熊澤伯繼。伯繼平安人。先是年十六釋褐備前。食祿七百石。伯繼體貌豐肥。自以爲肥笨不便武事。雖由稟受亦或安佚所致。從是攻苦茹淡。日夜講武技。間輒驅逐山野獵獸射禽。宿直

稠囊  
夜具ノ包。

日藏木刀稠囊。僚友就寢後獨竊出空庭演擊刺法。如是數年。軀體稍瘦削。

伯繼聰明有大志。光政將大登庸之。而辭以學未優。去遊京師求師。偶聞共投宿者語曰。僕爲主翁齋。二百金遠行。途跨驛馬。繫金於鞍。而忘收之。投宿始覺。求之無道。將縊死。夜半馬夫來還。僕驚喜以十六金謝之。不受。曰。還遺物耳。何報之有。但冒夜來得二百錢足矣。強之弗聽。曰。吾里有中江先生。平居訓誨吾輩。若受所賜。則爲負先生。言畢去。噫。澆世安得有斯人乎。伯繼傾聽良久。曰。化及賤隸。中江氏之德。可想

澆世  
スエノ世。

見此真吾師也。乃如近江訪中江原。原固辭不見。伯繼曰：「弟子固不足教也。然釋官百里趨庭，縱先生竟不教弟子，幸得一望見顏色，吾願足矣。」原許見，因請從受業。居數年，學大進。至是，光政因京極高通招焉。原亦薦之。遂再還備前。光政延相見。伯繼不言政事得失，以格君心爲任。光政曰：「吾爲政未善，然比隣國似差長。」伯繼曰：「此所謂五十步笑百步者。君何其志之小也。」光政大悟，益銳意求治。旬月之間，委以國政，食三千石。伯繼時年二十七。（昭代記）

一三 屋島之戰

賴山陽

一 義經發渡部

南海 四國ライフ。  
法皇 後白河法皇。  
賊黨 平氏ノ黨與。  
戎服 軍服ナリ。  
鬼界 島ノ名、鹿兒島縣ニ屬ス。  
高麗 朝鮮ヲサス。  
壽永 安徳天皇ノ年號 四年（八四五）  
渡部 今ノ大阪市天滿

源義經數請征南海。法皇以京師多賊黨不許。許先遣其將校。義經奏：「曠日彌久，範賴糧盡東歸，而鎮西兵士，寢屬平氏，則勢難拔也。」乃許之。義經乃戎服抵法皇宮，白曰：「自平氏奔竄關西，奪官稅，亂官民，三年于此。臣既奉追討之命，鬼界高麗，究其所至，鑿之而後已。否者，不復入王城矣。」

壽永四年二月，發京師，艤于渡部。東兵不習水戰，人自危。梶原景時曰：「請爲逆櫓。」義經曰：「何謂逆櫓？」曰：

川ノ河口。

介  
甲ナリ。

「舳艫皆設櫓進以舳退以艫。義經曰：「求進而退，兵之通患。乃欲求退乎？」曰：「宜進而進，宜退而退，良將也。有進而無退，野猪而介者耳。」義經變色曰：「猪乎鹿乎，吾不自知。吾唯知進而勦敵為快而已。公若為大將，逆櫓千百，聽公所為。若義經則不欲也。」衆目笑。景時景時慚恚。

義經遂令將士曰：「進而死者從我，退而生者自此去。」畠山重忠熊谷直實金子家忠佐佐木高綱等願從者數百人，將發逆風俄起，舟艦壞破，乃留修艦，艦成。義經託言落宴，以具糧食，即夜令解纜。時風反而益。

暴。舟人不肯。義經曰：「風順，盍發。」伊勢義盛張弓注矢，曰：「不用命者射殺。」舟人相謂曰：「行死，止死，死一耳。」乃發。從者五艦，百五十騎，獨置炬於義經舟，乘暗而南。舟駛如射。

二 義經至屋島


黎明，達尼子浦。望岸上，有赤幟，可三百騎。義經令曰：「我馬足瑟縮，不可直用，驅而游之，結束騎焉，勿虛發，以費箭。」衆從之。上岸大戰，擒敵將田口良連。其捕虜言：「櫻間良遠，以五十兵守勝浦城。」義經馳抵城，疾攻拔之。

赤幟  
平氏ノ幟。  
瑟縮  
チヂマリスクム。

內府  
內大臣平宗盛。

六條夫人  
六條攝政基實ノ妻。

九郎  
義經アイル。



圖地近附島屋

進至中山見一卒齋書京人也。義經問曰子何之。曰  
 之屋島。義經曰吾阿波人應內  
 府徵者如聞源氏賊淀河子必  
 途觀之其兵幾何。卒曰可六萬。  
 曰子所齋誰書。曰六條夫人書。  
 夫人內府妹也。曰書中何言。曰  
 吾焉得知之。獨口授我曰九郎  
 既發京矣。彼真可畏者。以木曾  
 如鬼神彼一舉取之。君急修城集兵以爲之備。書辭  
 亦如是耳。若公等亦宜亟赴之。曰諾。且子屢赴屋島

屋島  
今ノ香川縣木田  
郡湯元村ニ在リ

明日  
十八日。

高松里  
今ノ三木郡古高  
松村。

生兵  
アラテノ兵。  
哺  
午後四時頃。


乎。曰然。曰聞其城甚固。然否。曰否。潮來則須舟。潮去  
 可騎渡。義經乃叱曰吾九郎也。奪其書縛卒于樹。以  
 五十騎疾馳。明日至屋島。縱火於高松里。平氏大驚  
 以爲大兵至也。舉族乘舟而義經已至城下矣。騎能  
 屬者七人而已。

三 宗高斷扇轂

義經恐敵知其寡單也。乃縱火燒城。平氏兵皆航。更  
 來迫岸。七騎拒射。我兵後者稍稍來屬。又有州人藤  
 原範忠者。以生兵數騎來曰。臣曾祖範明嘗從八幡  
 公戰陸奥者。義經喜以爲先鋒。戰而交退。日既哺。敵

鐵塔  
鐵ノクマデ。

扇轂  
扇ノカナメ。



高宗須那

以一舟載美姬，插扇于竿，植之舳，去陸五十步，麾而請射。義經曰：「誰命中之者？」衆薦下野人那須宗高。義經召而命之。宗高騎而獨出，兩軍注視。宗高一發，斷扇轂，扇翻而墮。兩軍大呼。

四 一軍感泣。

平氏兵怒而來戰。義經親擊卻之，追而入海，遺其所執弓于波上。俯欲取之。敵兵爭以鐵搭鉤其胄。義經以刀扞之。

鎮西八郎  
源爲朝。

豎  
コシヤウ。

贈  
死者ヲ弔フ爲ノ  
贈物。

鞭扱其弓。從兵呼曰：「舍之。」義經不聽。終取之還。從兵曰：「君何輕身而重弓？」曰：「不也。使吾弓如叔父鎮西八郎之弓，則可否者，是貽敵笑也。」

宗盛憾失義經，令教經率精兵迫岸射義經。佐藤嗣信以身蔽義經，輒仆。教經豎菊王下舟欲斬其首。嗣信弟忠信射殺菊王，扶兄還營。義經親視嗣信，枕之。膝問所欲言。嗣信曰：「臣自出陸奥，已委身於君。代君而死，死且不朽。獨不覩君，鑿敵爲憾耳。」義經泣曰：「我鑿敵在旬日，而不及酬汝勞。」嗣信肯謝而絕。是日，鎌田光政亦被箭死。義經請僧葬光政。嗣信于高松贈

贖 餘別。ハナムケ。

以名馬。蓋藤原秀衡所贖。宇治一谷二役所騎也。一軍感泣。皆思爲義經死。(日本外史)

穀—穀 擊—擊 戎—戎 鉤—鉤

平語

平家物語。

佐野

今ノ栃木縣安蘇郡佐野町。

一四 了伯聽平語

大槻磐溪

佐野城主天德寺了伯。屬北條氏。驍名夙顯。嘗招警師善琵琶者某。演平語。警師爲唱二曲。一係佐佐木高綱事。一係那須宗高事。了伯每聽一曲。嗚咽歎歎。而不可已。他日從容問左右曰。昨聽平語。若何。皆曰。甚可樂也。但所演皆係赫赫功名之事。而君獨泣不已。

嗚咽 ムセビナク。 歎歎 ススリナク。

扇眼 扇ノカナメ。

何也。了伯聞之。仰天大息曰。吾今而知汝等不足爲我用也。顧高綱之辭鎌倉公。乞其所愛名馬。而約先登於不可必之前。其心固無生還之理矣。宗高立馬於兩軍屬目之中。而射扇眼。乎海波數百步之外。不幸一發不中。唯有自刎以投於海耳。吾推究二子心事至此。則感慨悲壯。不自覺涕淚之交乎睫也。今日弓箭之士。果能以二子之心爲心。則何戰不勝。何功不成。汝等乃曰。見其可樂。不見其可悲。吾是以知其無能爲也。(近古史談)

(一) 唯有自刎以投於海耳。不自覺涕淚之交乎睫。



也一約先登於不可必之前

(二) 推究 歎歎 赫赫 屬目 扇眼


(三) 咽  
    ├── (エン) 咽喉  
    └── (エツ) 嗚咽

一五 元寇

賴 山 陽

弘長 龜山天皇ノ年號。三年(九三)。極樂寺 鎌倉ノ地名。軍 宗尊親王。小笠懸 小笠ヲ竿ニカケテ的トシ馬ヲ驅リテ之ヲ射ル。北條時宗爲人強毅不撓。幼善射。弘長三年大射於極樂寺。第將軍欲觀小笠懸顧命諸士無敢應者。時賴曰「太郎能之」。太郎時宗幼字也。召而上場。時年十一。跨馬出一發而中。萬衆齊呼。時賴曰「此兒必任負荷」。當是時宋氏爲胡元所滅。諸隣國皆服於元。獨我

文永 龜山天皇ノ年號。十一年(九三)。六波羅 京都ニ在リ。北條氏ココニ探題ヲ置キ、畿内及關西諸國ノ政務ヲ司ラシム。



小笠懸圖

邦不通使聘。元主忽必烈令韓人致書於我曰「不服則尋兵」。朝廷欲答之。下鎌倉議。時宗以其書辭無禮。執爲不可。元主復遣使者趙良弼來。時宗令太宰府逐之。凡元使至。前後六反。皆拒不納。文永十一年十月。元兵可一萬來攻對馬。地頭宗助國死之。轉至壹岐。守護代平景隆死之。事報六波羅。令鎮西諸將赴拒。少貳景資力戰射殪。虜將劉復亨。虜兵亂奔。而元主必欲遂

建治

後宇多天皇ノ年  
號。元年(一九五)。

龍口

神奈川縣鎌倉郡  
川口村龍口寺ノ  
地。

初志。建治元年、元使者杜世忠、何文著等九輩、至長門、留不去。欲必得我報。時宗致之鎌倉、斬于龍口。以上總介北條實政、爲鎮西探題、遣東兵衛、京師、西兵衛者、悉從實政。



北條時宗

益築太宰府水城、省冗費、充兵備。


弘安  
後宇多天皇ノ年  
號。二年(一九九)。  
宰府  
太宰府。

弘安二年、元使周福等復至宰府。復斬之。元主聞、我再誅使者、則憤恚、大發舟師、合漢、胡、韓、兵、凡十餘萬人、以范文虎將之入寇。四年七月、抵水城、舳艫相銜。

斬首虜  
斬首捕虜ノ略。

玉冠者  
玉ニテ飾レル冠  
ヲ著ケタル者。

實政將草野七郎、潛以兵艦二艘、邀擊于志賀島、斬首虜二十餘級。虜列大艦、鐵鎖聯之、殼弩其上。我兵不得近。河野通有奮前、矢中其左肘。通有益前、仆檣。



太宰府附近地圖

架虜艦登之、擒虜將玉冠者。安達次郎大友藏人踵進。虜終不能上岸。收據鷹島。時宗遣宇津宮貞綱、將兵援實政。未到。閏月、大風雷、虜艦敗壞。

少貳景資等、因奮擊、鑿虜兵、伏屍蔽海、海可步而行。虜兵十萬、脫歸者纔三人。元不復窺我邊。時宗之力。

也。(日本外史)

一六 蒙古來

賴山陽

筑海颶氣連天黑。  
 蔽海而來者何賊。  
 東西次第期吞食。  
 持此來擬男兒國。  
 防海將士人各力。  
 吾怖關東令如山。  
 倒吾檣。登虜艦。  
 可恨東風一驅附大濤。

蒙古來。來自北。  
 嚇得趙家老寡婦。  
 相模太郎膽如甕。  
 蒙古來。吾不怖。  
 直前斫賊不許顧。  
 擒虜將。吾軍喊。

趙家 宋主、姓ハ趙。  
 老寡婦 元ノ宋ヲ滅シシ  
 時、皇太后楊氏  
 政ヲ聽ケリ。故  
 ニカクイフ。  
 男兒國 我邦ノ古名、オ  
 ノコロジマトイ  
 フ。因ツテ男兒  
 ノ義トナス。  
 相模太郎 北條時宗。

一六 蒙古來




詞繪來蒙古蒙

不使羶血盡膏日本刀。

一七 宮崎八幡宮

青山延壽

九日  
明治十八年六月。  
宮崎  
今ノ福岡縣糟屋  
郡箱崎町。  
石華表  
石ノ鳥居。  
延喜帝  
醍醐天皇。



宮 幡 八 崎 宮

九日陰。午後發福岡過博多里許  
抵宮崎拜八幡宮有大石華表入  
之有園池頗美又入樓門門有額  
書敵國降伏四字模寫延喜帝宸  
筆云此地古者外國往來要津故  
題此語幣殿宮宇亦爲宏麗出石  
華表徑至海濱又有一石華表距

菊池武敏  
武時ノ子。元弘  
中、兵ヲ擧ゲテ  
國事ニ勤ム。

社七八町爲景勝之地。海岸青松白沙數里相屬。其  
右則多多良濱。菊池武敏與足利尊氏戰地。其北爲  
名島。神功征韓之役。勒兵之地。左則博多。福岡家屋  
櫛比。其前則奈多志賀一帶沙地。斗出爲大灣。是謂  
海之中路。有殘島志賀島。擁蔽港口。港中東西二里  
半。南北殆二里。所謂博多港。殘島古曰能巨島。其西  
有鷹島。弘安二年。蒙古寇我邦。至博多。先據志賀。能  
巨二島。已而退。據鷹島。是也。(大八洲遊記)  
幣蔽弊 博傳博

一八 筑前城下作

廣瀬淡窗

伏敵門頭浪拍天。 當時築石自依然。  
元兵沒海蹤猶在。 神后征韓事久傳。  
城郭影浮春浦月。 絃歌聲隱暮洲煙。  
昇平有象君看取。 處處垂楊繫賈船。

一九 正成勤王

賴山陽

一天誅乘時。何賊不斃。  
後醍醐天皇在笠置山。六波羅二帥遣兵來攻。未至。

廣瀬淡窗  
名八建、豐後日  
田ノ人。安政三  
年(五二)歿ス。  
年七十五。  
伏敵門  
筑前八幡宮ノ樓  
門。

二帥  
北條仲時・時益。


文  
文字。

乃下詔四方赴難莫復應命者。天皇憂迫適夢紫宸殿南有大樹樹下設虛位二童子來垂泣白曰天下無地容陛下獨有此座而已。既覺自念文木從南楠當有姓楠木者出扶朕以定禍難。因召山僧訪之曰：「地方豪傑豈有姓楠木者乎？」對曰：「金剛山之西有楠木正成者焉。正成之父嘗憂無子與其妻祈於信貴山而生焉。少字多聞長以材武名嘗平土寇以功爲兵衛尉。天皇悅曰：「是也。」使藤原藤房往召正成。正成即決意赴之從藤房詣行在。

天皇使藤房言曰：「討賊之事朕一以託汝。」因命坐問

東夷  
北條氏ノ兵ヲ措  
ス。

元弘  
後醍醐天皇ノ年  
號。元年（一九一）。



近畿地方地圖

計。正成感激對曰：「天誅乘時何賊不斃。東夷有勇無智。如較於勇舉六十州兵不足以當武藏相模。較於智乎則臣有策焉。雖然勝敗常也。不可以少挫折變其志。陛下苟聞正成未死也則毋復勞宸慮。」乃拜辭還。實元弘元年八月也。

正成於是城于赤阪將以奉乘輿焉。而賊兵已圍行在三河人足助重範善拒。

備後人櫻山茲俊起兵應之。北條高時乃遣北條貞直等六十三將以武藏相模等五州兵十餘萬騎西上。未至而笠置陷重範被擒。天皇與藤房奉神器逃

二 天子在焉。吾未可以死也。

於是貞直等諸軍徑赴赤阪城。城纔成取農粟以充糧焉。兵僅五百人。正成分其三百以弟正季和田正遠將之。出城葺山而俟。東軍至望見其城可方百餘步。憫笑曰。此可隻手掀耳。爭下馬肉薄攻之。正成令士卒齊射立斃千餘人。東兵阻却卸甲且息。而伏兵自左右起。正成以二百騎闕門突出。三面合擊。

東軍大驚擾亂棄器械而走。

且日東軍分爲二。一備伏一圍城。正成豫築複垣繩懸其外垣。敵蟻附焉。乃斷繩。敵與垣俱墜。乃投大石巨材。殺七百餘人。居四五日。東軍修攻具。蒙楯而進。鐵鉤鉤垣。垣殆崩。正成令城兵人執長柄杓沃沸湯。敵焦爛而退。東軍於是築營環城爲持久計。而城內餘五日食。正成謂衆曰。吾先天下舉大事。固不圖生。雖然。天子在焉。吾未可以死也。吾今佯死。敵則去。去則復起。使彼疲奔命。是全軀以亡敵之術也。衆曰。善。乃鑿坑填尸。以薪蔽之。乘風雨夜稍稍逃出入金剛。

山留一人。誠曰、度我遠而舉火。火起。敵爭上城。見坑中積尸。謂正成既死也。引兵東去。使湯淺定佛代守其城。櫻山氏兵聞之。潰散。茲俊自殺。賊執天皇于宇治。奉于平等院。遂徙之。六波羅。二年二月。高時徙之于隱岐。參議源忠顯、嬪藤原氏從。(日本外史)

隻手 憫笑 肉薄 蟻附 使疲 奔命  
擾亂 旦日 焦爛 佯死 爲持久計

二〇 義貞陷鎌倉


賴山陽

新田義貞進至關戶。兵凡十二萬騎。分爲三軍。三道

關戶  
東京府南多摩郡  
多摩村大字關戶。

義助  
義貞ノ弟  
脇屋義助。

越在  
越ハ遠ナリ。遠方ニサマヨヒ給フ。時ニ後醍醐天皇隱岐ニ遷幸シタマフ。



鎌倉附近地圖

攻鎌倉。大館宗氏、江田行義、自極樂寺、堀口貞滿、大島守之、自兒囊阪。義貞、義助、自率諸將、自假粧阪。縱火五十餘所而進。鎌倉震駭。而北條氏見兵猶十餘萬。分拒三道。義貞、貞滿進入山內。而宗氏戰死。其兵皆却。義貞以選兵二萬。乘夜赴之。則敵大兵據海岸。樹柵。兵艦列其南。以備傍射。義貞下馬。免胄。向海拜曰。天子爲逆臣。所遷越在西海。臣義貞不忍。





圖神海祈貞義

三年五月也。六月，天皇還闕。建武元年，舉族入朝。義貞敍從四位上，任左兵衛督，義助任兵部少輔，並宿

坐視提兵討賊。伏願海神眷臣，忠義退潮，以開道。因釋所佩金裝刀，投之海中。比曉，潮大退，兵艦皆漂去。義貞大喜，麾衆而進。諸軍從之，直入府中，乘風縱火。煙焰漲天。義貞縱兵鏖戰。高時舉族遂伏誅。義貞因居鎌倉，誅餘黨，撫新附，威振關東。實元弘

衛京師。(日本外史)

二一 畫島・鎌倉

川田 剛

三十日  
明治二十四年三月  
杜戸  
神奈川縣三浦郡  
ニ在リ。  
阻  
ヘダタル。  
磴道  
石段。  
滄溟  
海ナリ。

三十日、晴晨起上舟、過杜戸、北指小坪浦、揚帆西馳、達畫島。畫島又作江島。周圍里許。巖聳樹密，神祠佛宇、茶肆酒樓、各倚勝地。北與片瀨村隔一衣帶水，白沙平敷，可以徒行，猶恐其潮溢路阻，架以長棧。乃渡棧登磴道，有祠宇，曰下宮。又登詣上宮。過華表，右見一字，是爲本社。並祀辨財天。社外地平，西南一隅設小亭，俯臨滄溟，遙巒起伏，富峰特聳雲表。而大磯小

磯、亦在水煙渺茫中。取望遠鏡望之、見孤嶼浮波間。頭戴白石、上尖下直、形類古烏帽。呼為帽子巖。亭下蟠石、風潮吞吐、而斷崖削立。有暗窟焉、亦祀辨財天。把炬而入、左右兩穴。曰金剛界、曰胎藏界。各安石佛、石獅等。相傳弘仁中、僧空海歸自唐、修法於此。種種石像、即海之所造也。此間泉滴氣冷、炬火將燼、暗中摸索、頭觸足蹶、衆懼匍匐出自穴。時漁父群集呼客、客與錢、輒沒淵捕鰻。錢多則沒深、鰻大、少則反之。阿堵果靈於神佛矣。初來時、列肆叫賣貝器、喧鬧可厭。因從別路還、憩岩本樓。

弘仁  
嵯峨天皇ノ年號  
(一四〇—一四八)。

阿堵  
錢ノ異名。

- (一) 一衣帶水 水煙渺茫 風潮吞吐 斷崖削立
- (二) 長棧 華表 勝地 茶肆 匍匐
- (三) 乃輒則

二二 其二

日方亭午、舟師促歸。傍七里濱、東行。余呼兒曹、指點曰、此為腰越。昔者源義經、戡亂東歸、遇讒、不得入鎌倉。為草腰越狀、是也。彼為稻村崎。建武之役、新田義貞沈寶劍、以祈於龍神、一夕潮退、碧海變為平原、是矣。

亭午  
正午。  
舟師  
船頭。  
建武  
元弘の誤。

曆仁  
四條天皇ノ年號  
(一九八)  
募緣  
寄附金ヲ募ル  
南都  
今ノ奈良市

應安  
北朝ノ後光嚴天  
皇ノ年號。二年  
(二〇九)  
明應  
後土御門天皇ノ  
年號。四年(三  
五)

未牌  
今ノ午後二時  
黍離  
周ノ衰ヘタルヲ  
歎ゼシ詩  
麥秀  
殷ノ滅亡ヲ歎ゼ  
シ詩

延元  
後醍醐天皇ノ年  
號。元年(一九六)  
兵庫  
今ノ神戸市ノ湊  
川以西ノ地



大佛

已而到由比濱捨舟而步。過深澤淨泉寺仰觀彌陀銅像坐石上。自跌至頂長三丈五尺膝徑略同腹中空洞容數十人。顏溫衣整儀容可敬。曆仁中僧淨光募緣所作。蓋海內銅佛南都東大寺爲最大。而此亞焉。若論鑄造巧拙則彼或輸一籌矣。鎌倉大日記曰。應安二年大風大佛殿顛倒。明應四年海潮激揚破大佛堂。當時佛像在殿堂中莊嚴可知。而今則露坐。

爲風雨所侵。盛者必衰。佛且不免。況人間乎。未牌馳車抵鎌倉。百年霸府廢爲荒墟。使人發黍離麥秀之歎。(得間瑣錄)

黍離麥秀之歎 輸一籌

二三 湊川之戰

賴山陽

一 以身殉國有死無他

延元元年五月足利尊氏大舉東上。水陸並進。新田義貞軍兵庫。飛書告急。朝廷震動。天皇命楠木正成。行援義貞。正成奏曰。尊氏新舉九國而來。其鋒甚銳。


我以疲兵格鬪無他奇道其敗必矣。爲今計者陛下復幸叡山召還義貞縱賊入京師而臣歸河內絕其糧道則賊兵日散我兵日聚於是夾而攻之可一戰而破也。義貞之計蓋亦出此。顧慮人言耳。戰道非一要歸於勝願朝廷再計之。諸公卿皆然之。獨參議藤原清忠不可曰賊雖衆盛不過如前役王師有天命宜防之外也。天皇從之。正成退謂其子弟曰事已至此何必抗議。

五月十六日與弟正季子正行等辭闕而西至櫻井驛正行時年十一矣。正成遣歸之河內誠之曰汝雖

前役  
前年尊氏鎌倉ヨ  
リ西上シ、京師  
ヲ攻メシコト。

櫻井驛  
今ノ大阪府三島  
郡島本村字櫻井  
ノ地。

幼已過十歲猶能記吾言。今日之役天下安危所決意吾不復見汝也。汝聞吾已戰死矣則天下盡歸足



楠公訣子圖

利氏可知也。慎勿計較禍福嚮利忘義以廢乃父之忠。苟使我之族隸而有一人存者則率以守金剛山

舊址以身殉國有死無他。汝所以報我莫大於此。因以天皇所嘗賜寶刀授之訣別。正行請從共死。正成叱之起正行揮涕而去。

二 七生人間、以殺國賊、

正成乃至兵庫、慰勉義貞、訣飲終夜。當是時、尊氏將水軍、直義將陸軍。陸軍稱五十萬。正成率手兵七百、陣于湊川、以當之。義貞以三萬騎、陣于和田岬、以扞水軍。水軍先鋒過而東。義貞拔軍循之。而尊氏全軍、已上和田岬矣。正成顧謂正季曰、「我腹背受敵、不可遁也。先破前者、而後接背者、如何。」正季曰、「於是兄弟並突入陸軍、七離七遭、欲獲直義。直義馬傷而墜。我兵垂及。有一敵將、遮鬪而逸之。尊氏亦分兵來援、包我軍後。正成兄弟回馬當之、血戰十六合、盡亡其

直義  
尊氏ノ弟。

騎、所餘七十三騎。乃走入湊川北民舍、坐釋鎧、身被十一創。顧謂正季曰、「死而何爲。」曰、「願七生人間、以殺國賊。」正成欣然曰、「是獲吾心。」耦刺而死。正成年四十三。宗族十六人、從士五十餘人、悉死之。

義貞敗退、尊氏入京師。送正成首於河內。一家聚哭。正行起入室。其母尾而闚之、則執父所授刀、將自殺。母徑入、奪刀而泣曰、「汝何惑焉。乃父之遣歸汝、豈教汝自殺也。汝銜遺命、歸來告我。而汝先忘之。惡能任皇事。」正行大悟。自是以討國賊、復父讎爲志。常與兒童嬉戲、爲馳逐狀。曰、「追足利也。」爲斬首狀。曰、「獲尊氏、

元也。楠氏族黨多死。湊川而河內紀伊之間猶有義故存者。皆思戴正行。(日本外史)

背脊 縱蹤 訣決 循遁 季李

二四 題楠公訣子圖

賴山陽

海甸 陰風草木腥。

史編特筆姓名馨。

一腔熱血存餘瀝。

分與兒曹灑賊庭。

海甸 海近王畿。湊川附近一帶ノ地ヲ指ス。

二五 四條畷之戰

賴山陽

一 臣生死決於今日。

延元四年八月天皇崩、皇太子即位。是為後村上天

正平 後村上天皇ノ年號。二年(1102)。譽田林 河内國ニ在リ。

皇當是時、四方勤王之師所在耗散。足利氏勢威擅天下。正行在金剛山、漸保聚義。故時出兵攝津、縱火挑賊。正平二年秋、尊氏令細川顯氏來攻。正行設伏於譽田林、敗之。賊退守天王寺。正行奮戰、又走之。遂進逼京師。尊氏大懼、乃發二十餘州兵、以高師直統諸將帥、以南擊正行。

行宮 吉野ニ在リ。

正行與弟正時、率諸宗族詣行宮。因中納言藤原隆資、上言曰、先臣正成、嘗以微力挫強賊、以安先帝宸憂。及天下再亂、逆賊四襲、遂致命於湊川。臣時年十一。命歸河内、囑以收合餘燼、報復國讎。臣年已壯矣。

餘燼 餘黨ニ喩フ。

渠帥  
賊ノカシラ。師  
直ヲ指ス。

兩捷  
譽田林・天王寺  
二回ノ戰捷。

而稟性羸弱。常念不及。今力戰。以有待之身。罹無虞之疾。上為不忠之臣。下為不孝之子。而今賊渠帥大舉來犯。是真臣致命之秋也。非臣獲彼首。則授臣首。於彼。臣生死決於今日。切希得一拜天顏而行。隆資入奏。


天皇揭簾臨視將士。前正行勞之。曰。曩日兩捷。大殺賊勢。甚慰朕心。朕深嘉汝世忠。今賊悉銳而來。真安危之決矣。雖然。兵之進退。貴於從宜。朕以汝為股肱。汝其自愛。正行俯伏垂淚而出。辭訣後。醍醐天皇廟題族黨百四十三人。姓名於廟壁。然後上途。天皇使

隆資援之。

二百四十三人悉死之。

四條殿  
今ノ大阪府中河  
内郡枚岡村大字  
四條。  
明年  
正平三年。

綴  
牽制ナリ。行動  
ヲサマタグルコ  
ト。



後醍醐天皇御陵


明年正月。北軍至。四條殿分爲五隊。四隊在前。左右相向。而師直。中軍遙居其後。兵凡八萬騎。正行使隆資綴賊前軍。而自將三千騎。直指其中軍。賊前隊馳而遮之。正行以先鋒擊破而過。賊隊又至。與我後軍戰。我後軍終敗走。正行不顧。以三百騎直前。賊將細川清氏。仁木賴章等。更進遮鬪。

隴  
田中ノアゼ。

正行盡破之。乃聚其騎。馬皆重傷。乃舍馬。踞隴而餉。

賊衆環視不敢迫。開其走路。皆合於中軍。正行餉畢。起謂衆曰。必與師直決死。進衝其中堅。我兵殊死戰。無不一以當百。賊軍披靡。

正行進逼師直。師直臣僞稱師直死。正行大喜。拋首于空。而手承者三。軍士有告其實者。正行投頭于地。蹴且罵曰。唉。汝亦無雙國賊矣。已而曰。其勇



四條殿神社及楠木正行墓

裨將  
副將ナリ。

可嘉也。自斷袖裏首。置隴上。復進索師直。望見其幟。欲追之。正朝曰。彼騎我步。不可及也。不若佯走誘之。乃與殘兵五十餘人。負楯以北。師直不肯追。令其裨將以數百騎尾擊之。正行大呼返戰。追走復逼師直。相去數步。而我兵自晨至晡。三十餘合。力索莫能起。正行注目於師直。勉衆前進。敵連射之。正行身被箭如蝟。乃呼曰。已矣。勿爲賊所獲。與正時相刺。北向而斃。年二十三。餘兵皆自刃。駢斃。

和田賢秀。正朝弟也。獨混敵卒。伺擊師直。楠氏卒湯淺者。降在賊軍。識見賢秀。從後斬之。賢秀瞋眼視湯



淺湯淺懼、後獲病死。正朝欲還奏狀、有一賊呼曰、忍獨亡乎。正朝笑而返之。賊乃走。如此者數。賊數騎至。正朝遂死。於是百四十三人悉死之。(日本外史)

二六 芳野三絶

一 芳野花下有感

賴杏坪

萬人買醉攪芳叢。

感慨誰能與我同。

恨殺殘紅飛向北。

延元陵上落花風。

萬人買醉攪芳叢、感慨誰能與我同、恨殺殘紅飛向北、延元陵上落花風

芳野花下有感

賴杏坪

芳野 吉野アイフ。 賴杏坪 名ハ惟柔、山陽ノ叔父。天保五年(一八三四)歿ス。年七十九。 延元陵 後醍醐天皇御陵

二 芳野懷古

藤井竹外

古陵松柏吼天飈。

山寺尋春春寂寥。

眉雪老僧時輟帚。

落花深處說南朝。

古陵松柏吼天飈、山寺尋春春寂寥、眉雪老僧時輟帚、落花深處說南朝

芳野懷古

藤井竹外 名ハ啓、攝津ノ人。慶應二年(一八五五)歿ス。年六十。

三 芳野懷古

河野鐵兜

山禽叫斷夜寥寥。

無限春風恨未銷。

露臥延元陵下月。

滿身花影夢南朝。

河野鐵兜 名ハ顯、一ニ秀野ト號ス。播磨ノ人。慶應三年歿ス。年四十三。

山崎元就、夜寢、夢見、  
 不恨、主、猶、多、延、元、後、  
 日、は、子、花、新、少、由、也、  
 秀吉、人、也、

二七 元就義戰

賴山陽

一 上書請討晴賢詔

天文 後奈良天皇ノ年 號二十年(三二)  
 大内義隆 防・長・豐・筑・石・備・備ノ七州ヲ領シ、長門國山口城ニ居ル。  
 大貳 義隆ハ太宰大貳タリ。故ニイフ。

天文二十年八月、大内義隆、臣陶晴賢反、攻義隆。九月、義隆自殺。義隆臨終、遺書、囑毛利元就曰、「吾不幸爲賊臣所弒、吞恨入地。非卿誰能復我仇。」元就覽書、流涕曰、「吾受大貳恩眷、雖無所囑、猶欲爲復仇。況有

爭衡 強弱ヲ争フヲイフ。  
 小早川隆景 元就ノ第三子。

是乎。諸將曰、「彼凶焰方熾、未可與爭衡。宜內養威力、外示柔弱、觀釁而動。」元就從之。  
 二十二年、元就會諸族屬、議討晴賢之計。小早川隆景進曰、「宜請之天子、仗大義討之。則人心所向、無不克矣。」元就曰、「善。」乃上書曰、「太宰大貳義隆、承父祖遺業、存心於皇室。而爲賊臣晴賢者所弒。臣元就奮微力、圖討伐、未得成其功。伏冀得討晴賢一行、詔糾合徒屬、以靖西陲。」



小早川隆景

津和  
高根縣鹿足郡津  
和野町。

骨鯁  
忠直極諫ナリ。



房守琥珀城。元就縱反間言，與房送款。晴賢族誅與

初朝廷聞晴賢作難，命將軍管領西伐。莫敢奉詔。及元就書至，即制可之。元就得詔，感喜，移書遠近。津和城主吉見正賴，世與陶氏讎，首應之。晴賢怒，攻津和。元就遣兵援之。

二十三年五月，元就與諸子將兵西出，取銀山、草津、櫻尾。諸城遇陶氏兵于折敷畑，擊破之。陶氏骨鯁將有江良與

弘治  
後奈良天皇ノ年  
號。元年。(三三三)

房遂檄周防長門豐前筑後石見發兵東下。元就聞之，與諸子密謀曰：「彼兵不下三萬，必首攻櫻尾草津。我悉衆援之，不過五千人，勢力懸絕，與戰平地不可克也。爲今計者，宜城嚴島，誘而蹙之。」弘治元年五月，城于島之有浦。諸宿將皆諫其不可，元就弗聽。諸將皆相言曰：「此公常不拒諫，今何乃爾？」六月，城成。命己斐新里二氏以兵數百守之，使草津櫻尾仁保諸城互爲策應。既而聲言：「吾悔不聽老將言，嚴島地形難守，難援。即爲敵有，諸城從陷。吾計莫失於此。」

恩眷 反間 制可 骨鯁 送款 爭衡

二 克可必也

九月、晴賢留其子長房于若山、而自統騎卒二萬、戰艦千餘艘、至岩國、議戰所向。大和興武曰、「先拔櫻尾、則諸城不攻而陷。」弘中隆包曰、「請分兵一攻櫻尾、一備其援路、彼不敢出。」出則與之相持、而遣輕兵擣吉田。彼進退失據、不血刃而可取。晴賢曰、「吾欲先取嚴島、城脆將弱、而不便於援。」聞元就甚悔之。吾取以為根據、分兵攻諸城、是萬全策也。隆包曰、「彼真悔之、必不宣言。宣言者、得非以餌我乎？」晴賢猶豫未決。故櫻尾城主降在賊軍中、與己斐新里相識。元就令

吉田  
元就ノ居城。

醜詆  
ニクミンシル。

桂元澄  
櫻尾ノ城主。

土豚  
土俵。

二人貽書、指陳順逆、暴晴賢罪惡、極其醜詆。晴賢覽之大怒。元就又令桂元澄詐送款約。俟元就渡海赴援、翻城為內應。晴賢乃決意攻嚴島。十月、建牙塔岡、燒民舍、布陣舟艦櫛比、喊聲震海。城兵嬰壁堅守。賊有鳥銃七口、櫓楯不支。積土豚扞之。晴賢遣書元就曰、「公為先大貳、欲見加誅、不敢逃避。聊以水陸軍三萬陣于嚴島。公能來乎？」元就聚將士示之。將士皆有懼色。元就笑曰、「使賊所言信、則吾大克矣。衆問故。曰、「其地迫狹、彼側肩躡足、不便進退。兵愈衆、而鋒愈鈍。我以死士數千衝之、克可必也。」乃使

穴戸隆家留守吉田而自率精兵三千餘人南行至  
草津與晴賢隔海而陣國內諸豪意其必敗多稱病  
不從。

猶豫 宣言 櫛比 喊聲 兵愈衆而鋒愈鈍

三天助我也

初伊豫有能島來島二族閑水戰晴賢元就並招之  
二族以三百艘來屬元就元就勞之往問城中消息  
賊四鑿地道樓櫓殆覆以大索維持之元就移陣火  
立山晦日盡返老弱輜重于草津累累不絕賊望見  
以爲我收兵也於是元就令諸將士人以二條布約

暗號  
アヒコトバ。

篝火  
カカリビ。

牙船  
統將ノ乗レル船。

誰何  
誰ソト問ヒナジ  
ル。  
辟船  
敵船ヲオシワケ  
テ進ム。

袖佩一日糧約暗號比暮上船會大風雨士卒震怖  
請俟風定元就曰天助我也令皆滅篝火揭一燈于  
牙船諸軍認之破浪而渡既濟返舟北岸以示必死  
遂上博尾崎直出塔岡背隆景別率伊豫船兵出其  
面。

賊恃風雨無警邏者穿賊艦而入賊或誰何浦宗勝  
大聲答曰筑前兵應徵來矣辟船而達稍稍上岸兩  
隊皆陣天將明矣元就命吹螺鼓譟乘高下擊賊諸  
軍大驚爭萃其牙營營填咽自相擊刺元就大呼曰  
進諸將士破柵而入賊兵遂大潰晴賢咄嗟退走者

揚凱  
勝岡ヲアゲ。  
洞雲寺  
佐伯郡觀音村ニ  
在リ。

不能<sub>レ</sub>退也。賊爭<sub>リ</sub>舟而遁、溺死<sub>ス</sub>數千人。晴賢肥大、不便<sub>ニ</sub>行步。從者扶掖<sub>シテ</sub>至海岸、求<sub>ム</sub>船、不<sub>レ</sub>復覩<sub>ニ</sub>一隻。遂<sub>ニ</sub>自殺。隆包以殘兵百餘、棲巖洞中。元就惜<sub>ミ</sub>其才、使<sub>ム</sub>人說降<sub>セ</sub>之。不肯<sub>シテ</sub>而死。已而獲<sub>ニ</sub>晴賢首。元就嚴建<sub>ニ</sub>旗鼓、奮鞭指<sub>シ</sub>其首曰、「弒逆之報、乃嬰<sub>ニ</sub>天誅。今何如也。」諸軍揚凱。元就留<sub>ニ</sub>巖島。十一日、引<sub>リ</sub>兵返<sub>ニ</sub>小瀉、葬<sub>ニ</sub>晴賢首洞雲寺。

(日本外史)


填咽 暗號 震怖 扶掖 警邏 誰何 鼓譟

二八 日本三景

一 巖島

齋藤竹堂

二八 日本三景



齋藤竹堂

一堂  
求開持堂トイフ。

此日  
天保十一年（三）  
〇〇九月十二日。

天女  
イキシマ  
市杵島姫。  
海澨  
海岸。

嚴島周廻七里、至絕頂半里餘。曲磴盤旋、如煙繞樹。見泉淙淙下、爲白絲瀑。有一堂、衆人雜沓。曰：僧空海關山所置神燈、至今不滅。此日分其火、炊飯以供神。人食其餘。每歲爲例。自此以上、巨石層沓、詭形爭出。名皆陋、或託神異、不足記。但頂上南眺、豫山讚嶂、東至三備洲渚、歷落縹緲、無際頗爲宏敞之觀。此島與天橋、松島、稱三勝。而天橋吾未之見。若松島、則兼迢麗雄奇之致。此地既缺、迺麗而雄奇、亦不足比。獨堂廟幽美、爲愈耳。世稱嚴島以人力勝、信然。堂祀天女、在山下海澨。潮滿、則堂浮水上。長廊百八間、左右懸。

海魚欲出  
淮南子云、風巴  
鼓瑟、而游魚出  
聽。

燈、夜點火、影與波映、激濺生色。是日、伶人奏舞、笛聲  
嘹唳、海魚欲出。天文中、毛利元就、討陶晴賢、營壘即  
在島中。戰國之時、何國無戰、而求其義戰、如毛利氏  
者、甚罕。宜其餘慶、流于後昆也。(報桑錄)

曲磴 淙淙 雜沓 洲渚歷落  
詭形 嘹唳 餘慶 縹緲無際

二 松島

安井息軒


松島  
宮城縣宮城郡松  
島灣內ニ在リ。  
是日  
天保十三年(二  
五〇二)七月二  
十九日。

松島赴富山、舟行尤便。是日陰慮、蓬底無所見、遂取  
陸路。行一里餘、右折而達于麓。大仰寺在山胸、入門  
南面、群島聚於下。長者龍臥、高者虎踞、簇簇乎群羊

猊  
獅子。

巖  
澳ニ同ジ、入江。

蓬然  
風ノ起ル貌。



之相將、奮乎兩猊之相鬪。或父坐而兒拜、或主顧而  
奴走。昨日所視、以爲一巨島者、渙  
然四散、峙爲數島。奇態異狀、不可  
勝數。而山脊斗入於巖者、分爲數  
枝、水灣其間、如鏡、如玦、如菱、截其  
半、布置之妙、有巧畫不能狀者。既  
而乍雨乍晴、則甲滅而乙生、丙濃  
而丁淡、呼吸之間、變幻萬狀。少焉  
風蓬然而起、濕雲離飛、則全然復出。松島之勝、蓋盡  
於此矣。雨之功亦偉哉。或曰、月更勝。乃又曰、未如雪



之爲最可賞。是二者固不能無望焉。然予逖矣西土之人。求之吾州。其能與是觀者。其有幾歟。予獨何人。冒此盛寵。而雨奇晴好。又兩收之。則雪月之念。亦可以已矣。(讀書餘適)

龍臥 虎踞 奇態 萬狀 斗入 簇簇乎

三天橋


青山延壽

五日晴。出市雇舟。泛與謝海。海水灣入。如大湖。海口西爲江尻。東爲黑岬。遠望之。中間無幾。所謂天橋。卽橫斷灣中。爲一橋。內爲阿曾海。又曰內海。周回四里餘。橋外曰外海。沿岸七里。其南岸則宮津。橋則沙洲

天橋  
京都府與謝郡宮津  
津海内ニ在リ  
五日  
明治十八年十月。

離立  
ツラナリ立ッ。

津渡  
ワタシバ。



也。自北互南。長里餘。廣六七十間。土人云。沙下有尖巖。長二千餘丈。不知其然否。沙洲自然。如長堤。通人往來。呼爲天橋。立堤上。萬松離立。爲一長林。真可謂太奇。惜明治五年七月。洪水長堤壞決。凡六十間。今有津渡。內海舟船往來。極爲便利。船過堤西。至江尻上岸。其西有府中村。卽古國府。在內海岸。步天橋上。松林間。有一社。曰橋立社。社傍有清泉。沸

樂躋  
ヨヂノボル。

松川浦  
磐城國相馬郡中  
村町ノ東ニ在リ。  
松江  
出雲國松江市ノ  
宍道湖ノ別稱。  
潮江  
土佐國高知市ノ  
南ニ在リ。

出呼爲磯清水亦一奇。顧此堤自開闢已成決非中  
古沙土堆積者。若果沙土決無清泉沸出之理。沙底  
有長巖理或然。江尻上有成相山。攀躋一里。下瞰內  
外海。極爲美觀。余憚勞。竟循天橋而南。又乘船海上。  
則峰巒圍繞。其岸漁家錯落。其景不爲不佳。稱爲我  
邦三景者。唯以有此長堤也。若徒論勝景。與之松川  
江之琵琶湖。雲之松江。土之潮江。皆可與此相抗。松島  
則島嶼離立。不知其幾千百。此地則以天然長橋。巖  
島雖全出人工。殿閣宏壯。浮出海中。其奇真罕匹。是  
其所以稱三景。實則非爲觀美也。故世人往往稱三

景爲凡亦非通論也。(大八洲遊記)

- (一) 峰巒圍繞 漁家錯落 殿閣宏壯
- (二) 敵敵 篷蓬 互互 巖巖

二九 河中島之戰

賴山陽

一 兩軍夾水而陣

天文二十二年五月、村上義清、與高梨政賴等、自信  
濃來投、請謁上杉謙信、言曰、僕等爲武田信玄所侵  
掠、容身無地、側聞公威名、願賜一下手、救援。謙信曰、  
「諸君豈爲人下者、而來託於我。是知我也。我今略定

賀・越  
加賀・越後。

程頓  
ミチノリ。


今川氏  
今川義元。駿河。  
遠江・三河三國  
ノ領主。

内亂。念賀・越吾父讎。常欲屠此二國。遂樹幟京畿。是吾素志耳。雖然。遇知我者。而不爲出力。非丈夫也。因問義清曰。信玄用兵何如。曰。信玄行軍。不貪程頓。每戰要勝於後。謙信曰。彼要後勝。意在拓地也。吾則不然。遇敵輒戰。要不枉其鋒耳。於是下令國內。以十月十二日。治兵。小田濱將八千騎。入信濃。放火武田氏屬城。十一月朔。進陣河中島。信玄聞之。請援於今川氏。將步騎二萬。出雨宮。渡使山本晴行等四人覘之。返報曰。北軍銳甚。君宜厚集其陣。不戰屈之。信玄從之。兩軍夾水而陣。謙信挑戰。信玄不出。相持二十七

晴信  
信玄ノ俗名。

詰朝  
明朝。

卯  
午前六時。



日。謙信遣使者言曰。吾聞公用兵所向。無留陣。而何獨不與我決乎。我於公。非有怨仇。特爲義清輩。敢問。公何以奪彼地。公不欲與吾戰。則還地於彼。不欲還地。則與吾戰。信玄答曰。公庇義清。眞爲高義。雖然。晴信而未死。公不能成志也。公欲戰。則自公始。謙信曰。諾。乃決議。約詰朝會戰。卽夜傳發。以七隊合爲圓陣。平明渡橋。而進。信玄勒十四隊迎戰。自卯至未。爭橋相逐。勝敗不決。謙信分兵渡上

駿河七將  
今川氏ノ援兵ノ  
將。

二 豎子在此乎

流、出、甲斐、軍、後、甲斐、軍、顧、之、退、去、橫、田、源、助、板、垣、三、郎、及、駿、河、七、將、皆、死、而、越、後、兵、亦、多、死、傷、引、兵、歸、  
二十三年八月、謙信復以八千騎、入信濃、曰、吾此行、必與信玄親戰、決雌雄耳、進渡犀川陣、既望、信玄以二萬人、出與之對、固壘不出、間日、謙信使村上義清等、夜伏兵、而曉出探樵者、近甲斐壘、甲斐兵出追之、陷伏皆死、諸隊隨出、乃大戰、迭有勝敗、信玄潛下令、張緬犀川而渡、伏旗幟、徑蘆葦中、直襲謙信、麾下下潰走、信玄乘勝而進、宇佐美定行等、以手兵橫擊、

既望  
十六日。  
間日  
一日ヲ隔テテ。

經  
オホゾナ。

黃襖  
萌黃色ノ陣羽織  
驕馬  
栗毛ノ馬。

湍  
ハヤセ。  
武田信繁  
信玄ノ弟。



圖 玄 信 擊 信 謙

破之、擠之、於河、信玄與數十騎走、有一騎、黃襖驕馬、以白布裏面、拔大刀來呼曰、信玄何在、信玄躍馬亂河、將逃、騎亦亂、河罵曰、豎子在此乎、舉刀擊之、信玄不暇拔刀、以所持麾扇扞之、扇折、又擊斫其肩、甲斐從士欲救之、水駛不可近、隊將原大隅、槍刺其騎、不中、舉槍打之、中馬首、馬驚跳入湍中、信玄纔免、武田信繁聞信玄危、返之呼騎索戰、戰死之、是日、

兩軍死傷大當。而信玄被創，夜收兵退。後獲越後捕虜言，嚮騎乃謙信也。

三 前逼信玄麾下

永祿四年八月，謙信復出信濃，壘于西條山。堰水爲池，以備貝津敵。信玄與長子義信將二萬騎來陣雨宮，渡以絕其歸路。越後將士說曰：「利在速戰。謙信不肯居三日，謙信收兵入貝津，以瞰謙信歸。謙信自若也。信玄謀曰：『謙信蓋待吾變，不動其軍也。吾伏兵河中，而別軍自貝津直往攻西條，則謙信無勝敗，必引兵北歸。而吾承敵鏖戰，謙信可擒也。』越後諜者報曰：

永祿  
正親町天皇ノ年  
號、四年。(三三三)。

「甲斐軍出貝津南行矣。謙信召諸將問計。直江實綱曰：『彼國內有變，故乘夜引去耳。當邀擊之。』宇佐美定行齋藤朝信曰：『不然，彼蓋爲二軍，欲及吾踰河夾擊之也。』語未畢，諜者又報曰：『甲斐軍渡廣瀨，上河中陣矣。』謙信謂二人曰：『如汝言，吾將出其意外也。』乃置疑兵山上，而全軍銜枚縛馬舌，涉雨宮，渡遇武田氏，斥騎十七人，盡斬之，進壓信玄軍，而陣。使本莊繁長、色部長實等將二千騎陣千曲河岸。甲斐別軍已向西條山。信玄俟報至，曉未辨人色，見謙信牙旗在前，將士皆失色。越後軍鼓而進，聲震地。信玄不暇易其

銜枚  
枚ハ形箸ノ如シ  
之ヲ口ニ銜ミ紐  
ヲ以テ首背ニ結  
ビ、兵士ノ談話  
ヲ禁ズ。  
千曲  
筑摩トモ書ク。  
牙旗  
大將ノ旗。

陣以弓銃力拒。謙信常憾，向斫信玄，而不遂也。欲必決死，自抽牙兵，前逼信玄。麾下潰亂，赴犀川。荒川伊豆逼擊信玄，信玄脫走。謙信追之。(日本外史)

- (一) 豎子 旗幟 麾下 詰朝 即夜 素志
- (二) 扇 扉 驚 警 危 厄 當 富 裏 裏

三〇 題不識庵擊機山圖 賴山陽

鞭聲肅肅夜過河。 曉見千兵擁大牙。

遺恨十年磨一劍。 流星光底逸長蛇。

不識庵 謙信ノ法號。  
機山 信玄ノ法號。  
長蛇 惡人ニ喩フ。信玄ヲ指ス。

三日 明治十五年九月

三一 西條山

青山延壽

三日、買車赴西條山。至犀川，奔流如箭，岸闊水淺，川心有沙洲，蘆葦叢生。假設板橋架之。洲上有茶店，可憩。又渡一橋，達丹波島。二橋長各三四百間。從此南，所謂河中島之地，屬更科郡。以其在犀川千曲川兩間，呼為河中島。即武田上杉龍戰虎爭之地。島中今有二十餘村，別無地名。河中島者，蓋古者兩川間之沮洳，後世開墾為田，竟為聚落也。自丹波島南赴篠井驛，是為北國大道。余左折過田圃間，有八幡原者，古墳累累。即埋戰死者之地。渡千曲川橋，比犀川水

沮洳 濕地。

海津  
具津トモ書ク。  
高阪昌宣  
武田氏ノ將。

霜臺公  
霜臺ハ彈正臺ノ  
唐名。謙信ハ彈  
正大騎タリ。故  
ニイフ。  
山背  
山ノハナ。

戊辰  
明治元年。

流稍緩、無復沙洲。過田圃十餘町、出松代町。町南有城址、即海津城。高阪昌宣所守、後爲眞田侯治城。初武田氏築此城、以待北兵。故當時呼云待城。後遂改松代。松代待城、國音同。過坊市、舍車赴西條山。山乃埴科山脈、支出者、霜臺公置陣地。土人猶說其尤高而坦處、爲公牙營。其山背柿崎景家所陣。其東隔圃、有一高岡。直江兼續陣址。距海津十七八町、距武田氏所陣、兩宮渡一里半。兩宮渡距八幡原亦同。登山町餘、有一社。又少登、有招魂社。社後有戊辰死國事者墳。山上眺矚最佳。千曲川遶山趾、東去。川北即河

中島。其西有兩宮渡。東則海津。二雄躍馬角逐之地。今皆雲散鳥沒。果不知何地。感慨懷古、不能去。(大八洲遊記)  
角逐 聚落 沙洲 龍戰虎爭 雲散鳥沒

三二 信長勤王

賴 山 陽

桶峽  
正シクハ桶狹間  
ト書ク。今愛知  
縣知多郡有松町  
ニ屬ス。永祿三  
年(三三〇)五月コ  
コニ戰フ。  
三好氏  
三好長慶。  
松永氏  
松永久秀。  
織定  
克チ定ム。


織田信長既敗、今川義元於桶峽、驍名聞天下。當此時、足利氏大衰、三好氏、松永氏、專京畿之政。而七道將士各據其國、迭相爭奪。信長慨然有戡定天下之志。初尾張、人道家某、與京師人立入宗繼者相識。宗繼爲左京亮。自父祖居京郊、多田業供御、乏絕。每取

撥亂反正  
天下ノ亂ヲ治メ  
テ正道ニ反ス。

天皇  
正親町天皇。  
鏡室  
内侍所、又賢所  
トモイフ。宮中  
ノ寶鏡ヲ奉祀ス  
ル處。  
五年  
永祿五年。

給焉。嘗說中納言藤原惟房曰、方今天下大亂、宮闕  
頽敝、供御之邑、盡爲武人所占、而以臣視之、其勢非  
得天下、豪傑不足以定天下之亂、聞尾張有織田信  
長者、年甫二十、割據東國之咽喉、能以少摧衆、是其  
人必有絕世之才、君盍奏請綸旨、囑信長、以撥亂反  
正之事、惟房畏憚、內外不敢決、宗繼再入、說之曰、事  
如漏泄、臣獨任其責、天皇探鬪鏡室、決計、五年十月、  
惟房宣言、天子感異夢、將奉幣于熱田、乃使宗繼及  
磯貝久次、齎密旨、赴尾張、因賜信長、以御用合香館  
道家氏。

凶徒  
三好・松永ノ徒  
ヲ指ス。



戰袍

信長獵歸、過道家、道家告以故、信長乃沐浴更衣、出  
見宗繼、宗繼宣達勅旨、信長謂宗繼曰、吾聞天子天  
下之君、宜自我供職焉、而今反  
辱使命、加以寵賜、吾何以堪之、  
當藉天威、以夷凶徒、不日入朝、  
竭力圖報、因自調食、以饗二使、  
召森可成、柴田勝家、丹羽長秀、  
木下秀吉、瀧川一益、菅谷長賴、堀秀政、諗以勅旨、於  
是、日夜議西上之策、  
十年十月、天皇復使、立入宗繼齋、詔來、詔信長曰、朕



奮庸  
庸ハ功ナリ。功  
績ヲ奮揚ス。

顧四方莫如卿武。曩降密勅。囑以征討。卿存心皇室。不憚跋涉。聞已平尾濃。奮庸宣威。朕深嘉之。因賜戰袍一領。信長召村井貞勝。讀詔。領旨感激。受其袍。曰。臣督師詣闕之日。當服以拜賜耳。(日本外史)

三三 賤岳七槍

賴山陽

一 勝家悉引兵至柳瀨

柴田勝家  
織田信長ニ仕ヘ  
越前ニ封ゼラル。  
信孝・信雄  
並ニ信長ノ庶子。  
天正  
正親町天皇ノ年  
號。十一年(三  
三)。


柴田勝家、見秀吉、聲望出己上也。嫉忌之。信孝亦與信雄爭權。相惡。信孝遂與勝家及瀧川一益等俱圖秀吉及信雄。約期並起。天正十一年二月、勝家令佐

佐久間盛政  
勝家ノ姪。  
一益  
伊勢國長島ニ在  
リ。

久間盛政將步騎二萬出陣柳瀨。秀吉乃留蒲生氏鄉以下七將以當一益。而自引諸軍赴柳瀨。自與老

連珠砦  
連レトリデ。

我兵  
秀吉ノ兵。



兵十餘騎上山望北軍曰。是不可以速戰勝也。乃勒兵爲十三隊。據湖山形勢。築連珠砦。而自屯長濱。三月、勝家悉引兵至柳瀨。我兵堅壁不出。四月、信孝舉兵。應於勝家。一

柴田勝豐  
勝家ノ義子。勝  
家ト隊アリ、秀  
吉ニ降ル。

益。其十七日、秀吉以其軍南攻。信孝至大垣。盛政欲進擊諸壘。勝家不許。是時、柴田勝豐養疾在京師。其

神戸君  
信孝、神戸氏ヲ  
冒ス。故ニイフ。

賤岳  
滋賀縣伊香郡ニ  
アリ。

部下山路將監者、叛降北軍、在盛政營。衆中謂盛政曰、聞神戸君舉兵、應我、而秀吉往擊之。子豈得不赴援哉。盛政曰、固也。道路阻絕、敵充塞其間。我將如之何。將監進附其耳、語曰、敵諸壘皆固。獨中川清秀之壘、在賤岳之麓。去我尤遠。而其備不固。吾潛兵趨之、出其不意、必獲志矣。秀吉在大垣、不能速來。子急擊勿失。盛政大悅。十九日、往告勝家。勝家曰、可也。吾留當諸壘。汝則往擊。擊而勝速還。慎勿留也。

二 秀吉縱兵乘之

盛政乃與從弟勝政將萬人、乘夜至余吾湖東、循湖

而馳。比曉至岳麓。中川氏卒方飲馬于湖。盛政先鋒執斬之。其一人逃返告急。清秀與高山友祥以數千人出戰。清秀苦戰終死。盛政既勝、因留不還。勝家召還之。盛政答以日傾兵疲、當俟明還。勝家曰、直路不過一里。何不亟還。盛政笑曰、老怯過慮、何足爲意。使者五反、而日已暮矣。

當是時、秀吉欲攻岐阜。會大雨、呂久河漲未濟。午時報至。秀吉方食、問使者曰、盛政退未。曰、未。秀吉乃投箸而起、拔刀踴躍曰、吾得大勝矣。即命駛卒五十人先往。募沿道民曰、吾將赴賤岳。炬火導我、酒食餉我。

駛卒  
足バヤノ兵卒。

藤川  
近江ニアリ。

遂令堀尾吉晴留當岐阜而自提輕兵一萬五千舉鞭疾馳及藤川而昏黑山谷皆炬餉者爭至兵皆立食秀吉行且呼曰記其里閭吾將凱旋賞之北軍相



表馬瓢金

驚曰濃路諸山多炬火秀吉來矣盛政大駭將乘暗拔軍而北適月已

蹶  
アトヲ追フ。  
金瓢馬表  
秀吉ノ馬印。

出我軍觀之進躡其後盛政留銃隊殿之引兵上岳北陣勝政在麓欲與之合而金瓢馬表已在岳南銃丸亂發勝政兵立死者二百餘人其陣稍亂秀吉顧左右縱兵乘之加藤清正福島正則加藤嘉明平野

長泰脇阪安治糟谷武則片桐且元爭先奮擊多所斬獲諸軍從進遂大破之擒勝政進蹙盛政又大破之遂進赴勝家世呼曰賤岳七槍(日本外史)

三四 阿閉掃部

大槻 磐 溪

秀康  
家康ノ第二子、  
秀忠ノ庶兄。結  
城氏ヲツギ、越  
前ニ封ゼラル。  
撥甲之禮  
鎧ノ著初。

越前侯秀康之就封也聞阿閉掃部爲勳閔之士以重祿聘之伯伊勢亦越之世臣也將爲其子行撥甲之禮請掃部爲賓禮畢置酒伊勢謂掃部曰今日豚兒撥甲之初願子語當年武功以祝兒前程掃部曰吾豈有武功可語乎無已則有一焉吾嘗見一士武

輸贏勝負。

風最可觀者矣。賤岳之役，兩軍既散，吾單騎沿余吾湖而退。有一騎呼於後者，回鑣接之，則曰：朝來所殪，皆雜兵矣。不幸未遇好敵。觀子儀容，果非凡士。敢請一戰，決輸贏。余曰：諾。下馬，將交槍。其人曰：請俟之須臾。我槍蟻矣。沒鋒於湖，洗之者三日，可以戰矣。於是相鬪，雌雄未決，而日已昏黑。乃呼曰：可恨，槍鋒難辨。請期他日。子爲誰？身是青木新兵衛也。後日相見，戎間誓不付勝負於他人矣。揚鞭而別。吾結髮從軍，未嘗見從容整暇如此之士。言未畢，有青木方齋者，自屏後出，謂掃部曰：側聽吾子話，懷舊之淚，不能自禁。

好ヒキデモノ。

爾時與君交鋒者，卽此翁也。掃部拍掌曰：契闊久矣。今日相遇，何其奇也。乃舉觴屬之，好以腰刀。由此青木之名，顯于一時。侯聞而聘之，與掃部同其秩祿。


(近古史談)

動閱 懷舊 須臾 戎間 契闊 秩祿

三五 觀曳布瀑遊摩耶山記 齋藤拙堂

二十二日 天保四年(二百五) 九月 砂山 山ノ名。 匹練 一匹ノネリギヌ。

二十二日，將從兵庫還大阪。早發謁生田社。社樹老蒼，使人肅然。遂欲觀曳布瀑。右轉上砂山。崎嶇十餘町，攀一邱，得茶店。呼爲望瀑臺。瀑當其前，壁頂瀉下，如匹練掣曳。此其所以得名。但邱上平臨，不甚奇觀。



乃躡巖角，降就瀑底。仰觀壁面，有石突出，瀑下垂，至石輒怒。駭珠驚玉，餘沫霏散，漲空而下，如驟雨。至衣巾盡濕，呼快者久之。乃反從阪下，右折。又有一瀑，比前者稍小。土人呼為雌瀑，而以前者為雄。此瀑已見伊勢物語。平

治物語等書，其為名勝久矣。

左轉一里，取路青谷，上摩耶山。崖樹紅黃相間，稜疊可愛。然路甚險，一步一喘，纔及山門。門內尤峻，石磴

砌石  
石ヲタタム。

紀阿  
紀伊・阿波ノ二國

赤松圓心  
赤松則村創髮シテ圓心ト稱ス。元弘三年義兵ヲ擧ゲ、六波羅ノ軍ヲ破ル。

掠面而起，數百級。僧坊夾磴，皆砌石為基。高數十仞，層疊向上，儼如城郭。進至絕巔，佛殿宏壯，榜曰「忉利天上寺」。俯瞰連日所經歷，皆在履下。海灣一碧，諸州之山圍繞，其外至紀阿之際，兩間不相合，如大環缺。從缺而望，鵬程萬里，杳渺無際。出門就正路，盤折而下，呼為七曲。太平記所載赤松圓心敗六波羅軍處，行樹多猴，累累掛枝，見人驚叫而去。半里至上野路，漸夷。經西宮，尼崎而去。顧望摩耶山，宛然在雲表。步惜別，山亦搖光馳碧，送至大阪乃止。（拙堂文集）

(一) 崎嶇 累累 宛然 雲表 盤折 餘沫

(二) 鵬程萬里 杳渺無際 步步惜別

中井履軒

名ハ積徳、大阪ノ人。文化十四年(一七七)歿ス。年八十六。

城西 大阪城四ナリ。棍 棒ニテ伸バヌ。縷 絲ノ如ク細ク切ル。

三六 鬻蕎麵者傳

中井履軒

城西沙場有鬻蕎麵者曰泉氏善售蓄婢僮數十百人袒而磨者巾而篩者漉者棍者縷者淪者陳器者置漿者待客者日出而作夜闌而後息吾聞蕎麵價之廉者雖善餒者不耐百錢少者其六之一而飽然而泉氏收錢日數十百緡可謂善售矣其北街亦有鬻焉者亦曰泉氏諸沽乎南泉氏者過其門而弗顧久之將更業南泉氏聞之踵門而訊曰我與汝同業

戊 午後八時。 鋪 七。

已欲達云云 論語雍也篇ニ、 「仁者已欲立而立人、已欲達而達人」。

乎是兄弟也。今汝以不售廢業不可也。我且貸于汝。北泉氏謝曰雖能貸之而不售也恐不繼。南泉氏曰我能使汝售焉。還命輸之錢。夜則戊而收鋪。有叩戶求沽者輒曰戊之後沽乎北泉氏亦猶我也。於是諸沽乎南泉氏者戊之後皆之乎北泉氏。由是北泉氏不售於晝而售於夜亦富。鄉隣之聞者咸曰善哉。然而南泉氏益售卒大富。嗚呼泉氏市井賤人耳。然能推兄弟之愛者又類乎已欲達而達人者。其致富蓋有以也。今夫士之駢肩於朝共祿於國者獨不有兄弟之親耶。至其同職聯事益近而益相嫉曾寇讎之

不若者能無愧於泉氏耶。吾聞泉氏多異行者。此其異之一。(履軒辨帶)


三七 聚樂行幸

賴山陽

内野  
京都市上京區ノ  
西南及ヒ朱雀野  
ノ東北一帯ヲイ  
フ。  
義滿故事  
應永十五年(三  
次)後小松天皇、  
義滿ノ北山別邸  
ニ幸セララル。  
義教故事  
永享九年(二九七  
後)花園天皇、義  
教ノ室町ノ邸ニ  
幸セララル。  
天皇  
後陽成天皇。

天正十四年二月、内野第成。命名聚樂。秀吉將請天子幸焉。率諸侯朝之也。十六年正月、遂奏請臨幸。時承大亂之後、典籍殘亡。乃令前田玄以與公卿雜議。用足利義滿義教故事。四月十四日、天皇幸聚樂第。關白秀吉率文武百官扈從。扈從者蓋新典也。遠近縱觀。父老或有流涕者。曰、吾儕聞有行幸之儀久矣。

享禮  
天子ヲモテナレ  
奉ル饗宴。  
五常・太平  
並ニ樂曲ノ名。  
牧伯  
諸侯ヲイフ。



今得親親之。即日行享禮。使伶人奏五常太平諸樂。明日、秀吉早盛服出侍于御座之右。盡召天下牧伯。使列於前。内大臣信雄、大納言家康、大納言秀長、中納言秀次、左近衛中將秀家、右近衛少將利家、侍從元親、侍從義統以下、以次而進。盟曰、奉戴皇恩、竭力王事、莫敢或怠。皇家之邑、莫敢或侵。侵者相共誚責之。戒囑子孫、莫敢或渝。關白所令、事無大小、莫敢或不奉。所違

祿  
サイヘヒ。

上皇  
正親町上皇。

采田  
知行所。

斯盟者、六十六州神祇、大罰殛之、覆其國家、莫能享其祿。明日、宴諸牧伯、天皇賜歌、關白以下皆賡之。車駕駐五日、還宮。秀吉以京師戶稅奉供御、以其戶租爲上皇湯沐邑、以近江高島郡充廷臣采田。凡金帛珍貴之獻、前後無算。(日本外史)

三八 豐公雄圖


賴山陽

一 吾欲遂略地至明

豐臣秀吉之在關東也、遊於鎌倉、觀源賴朝塑像、進撫其背曰、若我友也。徒手取天下、唯有吾與若而已。

在關東  
天正十八年、秀吉北條氏政ヲ小田原ニ討ツテ之ヲ滅ス。  
塑像  
土製ノ像。

然若承藉名族、不如吾起人奴也。吾欲遂略地至明。



秀吉撫賴朝像圖

若以爲何如。初秀吉爲織田氏、徇山陽、請攻韓及明。後常思成其志。明主嘗與足利氏修好。而韓兩屬其間、常奉朝貢於我。及足利氏衰、我西南海盜、數侵明境。明韓皆與我絕。而海賈互市不絕。我對馬島、距韓甚近。島主宗氏、世置吏于韓、釜山浦至豐臣氏時、明民或有來投者。秀吉聞明主朱翊鈞失政、武備不具、益思窺之。

明主  
明ノ神宗、姓ハ朱、名ハ翊鈞。



及定西海，遂遣宗義智與僧玄蘇往韓。韓王李昭乃使其大臣黃允吉金誠一隨而入貢。秀吉見韓使者，乃命史作書以答之曰：日本豐臣秀吉謹答朝鮮國王足下。吾邦諸道久屬分離，廢亂綱紀，阻格帝命。秀吉爲之憤激，被堅執銳，西討東伐，以數年之間而定六十餘國。秀吉鄙人也，然當其在胎，母夢日入懷。占者曰：日光所臨，莫不透彻。壯歲必耀武，八表是故戰必勝，攻必取。今海內既治，民富財足，帝京之盛，前古無比。夫人之居世，自古不滿百歲。安能鬱鬱久在此乎？吾欲假道貴國，超越山海，直入于

八表  
八方ノ外ヲテ。

明使其四百州盡化我俗，以施王政於億萬斯年。是秀吉宿志也。凡海外諸蕃後至者，皆在所不釋。貴國先修使幣，帝甚嘉之。秀吉入明之日，其率士卒會軍營，以爲我前導。因遣柳川調信僧玄蘇與偕。韓王得書，疑懼，誠一以爲虛喝。王使之私饗二人，探其情實，稍修邊備。明亦聞之，申嚴海防。天正十九年夏，秀吉復遣義智責昭在釜山旬餘，不得報，怒而還。秀吉志益決。

二 先遣水陸九軍，蔽海而渡。

秀吉初無子。先是，姬人淺井氏生男鶴松。秀吉絕愛

淺井氏  
淺井長政ノ女、  
名ハ茶茶、淀君  
トイフ。

是歲  
天正十九年。  
自遣  
氣ヲハラス。

內府  
內大臣ヲイフ。

奄有  
盡ク占領ス。奄  
ハ掩ニ通ズ。



清水寺本堂

之。是歲鶴松夭。乃悲哀累月。心忽忽不樂。因屢出遊。以自遣。一日登清水寺閣。西望謂從者曰。大丈夫當用武。萬里之外。何自悒鬱爲。乃還大會諸將帥。謂之曰。吾藉諸君之力。平定海內。亦可以休矣。特諸醜夷有阻王化者。吾深羞之。吾欲以邦治。委內府。而自將入朝鮮。以其兵爲先鋒。以入於明。彼拒我命。則擊滅之。遂自遼東直襲北京。奄有其國。多割土壤。以予諸君。使諸功臣皆饜其望。不亦

愕眙  
驚イテ目ヲ見張ル。  
秀次  
秀吉ノ母。

大廳  
秀吉ノ母。

那古邪  
佐賀縣東松浦郡  
在リ。  
西南四道  
山陰・山陽・南海・四海。

快乎。我籌之已熟。事非甚難。諸君其能爲我出力耶。諸將帥愕眙相視。莫敢對者。浮田秀家進曰。殿下舉此無前之事。誰不努力者。衆莫敢異議。內府謂秀次也。於是秀吉奏請遣諸將之國。各具兵食。命九鬼嘉隆造大艦數千艘。大廳聞秀吉赴海外。憂恐至廢寢食。乃議使秀家代往。而自出陣肥前。以爲策應。乃大築于那古邪。建爲行營。十二月分朝鮮地圖于諸將。部署其所向。分西南四道兵爲八軍。以向韓之八道。別置水軍總十五萬人。以明年三月盡會行營。秀吉乃上書乞骸骨。讓關白職于秀次。自稱太閤。

文祿  
後陽成天皇ノ年  
號。元年。(三五  
二。)

文祿元年二月二十八日、秀吉發京師。或曰、蓋以善漢文者從。秀吉笑曰、吾此行、將使彼用我文耳。四月、至安藝、謁嚴島祠、投百錢、祝曰、吾而勝明、面者居多。乃投皆面矣。衆大喜。蓋豫糊合兩錢也。遂至那古邪。諸軍會者、凡五十萬人。糧食稱之。於是先遣水陸九軍、發大礮、闕而揚帆、蔽海而渡。(日本外史) 廢寢食、乞骸骨、蓋以善漢文者從。

三九 豐公裂冊書

賴 山 陽

慶長元年八月、明韓使者共至界浦。二十九日、造伏

慶長  
後陽成天皇ノ年  
號。元年。(三五  
二。)

明使

使ハ揚方乎、  
副使ハ沈惟敬。

韓使  
黃慎・朴弘長。

三道  
慶尙・全羅・忠  
清。

見。秀吉使柳川調信責韓使者曰、吾收兵而汝國未獻三道。今又不使王子來謝再造之恩。乃遣微者辱我。我不許汝入見。二使因小西行長謝弗聽。九月二日、使毛利氏列兵仗、延明使者入城。諸將帥皆坐。頃之、秀吉開幄而出。侍衛呼叱。二使偃伏。莫敢仰視。捧金印、冕服、膝行而進。行長助之畢禮。三日、饗使者。既罷、秀吉戴冕被袞衣。使德川家康以下七人各被其章服。召僧承兌讀冊書。行長私囑之曰、冊文與沈惟敬所說、或有齟齬者、子且諱之。承兌不敢聽。乃入讀冊于秀吉之傍。至曰、封爾爲日本國王。秀吉變色立。

袞衣  
長衣ナリ。  
章服  
模倣アル服。

扯 裂ク。扯ハ捕ノ  
俗字。  
髯虜  
明人ヲ罵ル辭。

股票  
フルヘアガル。  
三奉行  
石田三成・増田  
長盛・大谷吉隆。  
証  
罪ヲキセル。

脫冕服、抛之地、取冊書、扯裂之、罵曰、吾掌握日本、欲  
王則王、何待髯虜之封哉。且吾而爲王、如天朝、何  
乃召行長、誚讓曰、汝敢欺罔我、以爲我邦之辱、吾將  
併汝與明使者、皆誅殺之。行長股票、諉罪於三奉行、  
出書牘數通爲證、承兌亦救解之、事纔得止、而秀吉  
怒未釋、卽夜命加藤清正、大谷吉隆、石田三成、増田  
長盛、逐明韓使者、賜資糧遣歸、使謂之曰、若亟去告  
汝君、我將再遣兵屠汝國也。遂下令西南四道、發兵  
十四萬人、以明年二月、悉會故行臺、柳川調信、私囑  
黃慎曰、太閤意已決矣、速獻三道、使王子來謝、不則

貴國復被禍矣。惟敬猶疑其虛喝。已而見沿道治兵  
狀、則大驚奔去。(日本外史)

惴伏 齟齬 冊書 掌握 書牘 誚讓

四〇 裂封冊

賴 山 陽

史官讀到日本王。

相公怒裂明冊書。

欲王則王吾自了。

朱家小兒敢爵余。

吾國有王誰覬覦。

叱咤再躐八道血。

鴨綠之流鞭可絕。

地上阿鈞不相見。

地下空唾恭獻面。

朱家小兒  
明主ヲイフ。

阿鈞  
明ノ神宗。  
恭獻  
足利義滿ノ諷。

青山延光  
佩鼓齋ト號ス。  
延于ノ子。明治  
三年歿ス。年六  
十四。

四一 豐臣太閤論

青山延光

蹕厲風發  
勢ノ盛ナルコト  
風ノ起ルガ如キ  
ヲイフ。

飄忽  
風ノ疾キ貌。

殊域  
外國。三韓ヲサ  
ス。

天下不能無強弱。國家不能無盛衰。而英雄豪傑、將大有爲於積衰積弱之餘、必也蹕厲風發、一新天下之耳目、然後能變衰弱爲強盛、譬之暴雷猛雨、飄忽震蕩、萬物殆爲之摧碎、然後天地開霽、日月如新。故英雄事業、不可以常理論也。  
我神國嘗強矣。殊域震懾、朝貢相屬。而彼一叛、則王師出征。故神后征韓之後、在應神朝、則二伐新羅、在仁德朝、則一伐新羅、在雄略朝、則一伐新羅、二伐高麗、在欽明朝、則二伐新羅、一伐高麗、在推古朝、則一


肅慎  
古ノ國名。滿洲  
ニ在リ。

絕域  
殊域ニ同ジ。

相門  
藤原氏ヲサス。

源右將  
右近衛大將源賴  
朝。

彈丸黑子之地  
小サキ土地ヲイ  
フ。鬼界島ヲサ  
ス。



豐太閤墓

伐新羅、在齊明朝、則一伐肅慎。當是時、視絕域如四境、視海濤如坦途。故徵兵四方、萬里濟海、而天下不以爲勞。其強盛蓋如此。  
中古以降、王室稍衰、一變而天下之政、出於相門、再變而兵馬之權、歸於武人。四海之內、猶有不畏皇威者。何問海外、鬼界一小島耳。源右將欲伐之、而公卿難之。夫以彈丸黑子之地、武人欲伐之、而廷議難之。又何怪武人之跋扈哉。其衰弱蓋如此。

源氏亡、而皇室困於北條、北條亡、而又制於足利。於是積衰積弱、有不可勝言者矣。南北一統、而足利氏橫日甚。彼傲然以爲「天子我家所立、廢立唯吾所欲」。則其有無固不足爲之輕重、而明國之大、彼亦嘗聞之。乃謂「彼土廣國富、我既不能及、則藉其力以濟我貧弱」。此亦良策。於是修使於明、得其爵號、以誇天下、得其錢貨、以布天下。吁、亦甚矣。當是時、明國視我、猶蕃國、足利氏視明主、猶君上。而天朝之尊、則天下不敢復問衰弱之極至此。祖宗之憤、固將有所待而發焉。

故織田右府興、而天下復知尊皇室、豐太閤興、而皇室之尊、殆復於古。至征韓一役、蓋將振皇威於積衰積弱之餘。祖宗之靈、實有賴焉。顧其所以謀之者、未必無私意。然而天將一振皇威、則太閤之舉、不可謂非天下之公也。十萬之師、一渡海、而八道瓦解、不可謂不伸神國之威也。而明主猶欲以一王號解兵。此亦以足利氏視太閤、而太閤一怒、明國震駭、不可謂不雪祖宗之恥也。皇威於是乎、赫然震於絕域矣。異日、愛親覺羅氏之并吞明國、威毒亦甚。彼豈不垂涎於我。然畏懾斂手、不敢噬嚙者、太閤之力也。孰謂

愛親覺羅氏  
清ノ天子ノ姓。

征韓一役、無功於神國乎。(六雄八將論)

鹽谷實山

名ハ誠、宥陰ノ弟。明治七年歿ス。年六十三。

執贄

入門スルコト。贄ハ入門ノ時ニ贈ル禮物。

北條氏長

安房守ト稱ス。兵學ヲ以テ名アリ。

韜略

六韜・三略。並ニ兵書。

延寶・天和

靈元天皇ノ年號(一三三三—一三三六)。

由井正雪

駿河ノ人。叛ヲ謀ル。

丰儀

風采。

四二 山鹿素行傳

鹽谷實山

山鹿素行、陸奥人。名高祐、字子敬、通稱甚五左衛門、號素行。素行幼穎悟、好讀書、執贄于林羅山。講說小學論語、辭理明暢、驚老成人。長從北條氏長、學韜略、備極蘊奧、最精築城術。當其得意談兵、整然肅然、如甲越兩雄、戰河中洲、神變鬼化、不可測識也。方延寶天和際、其名高一世。由井正雪亦以兵學聞。嘗邂逅于某侯家。正雪丰儀貴重、頗有威望。長素行十餘歲。

禮貌

容儀ヲ正シテ人ヲ敬フコト。

寒暄

寒温ニ同じ。

不軌

謀叛心。

宋學

宋ノ大儒程子朱子等ノ學說。

赤穂

今ノ兵庫縣赤穂郡赤穂町。



山鹿素行

固聞其名、禮貌之。素行寒暄外、不交一言。他日謂侯曰、臣視彼容貌、眼光非常、其意難測。君勿近。後果驗。素行天資英邁、達練事體、洽聞強識、無所不通。其爲人謀、如躬當之。臨事果斷、嫌疑立決。甚爲人所倚賴。不獨問道請教、雖機密事、吐露情實、受其裁決。王侯士庶、入其門者、殆四千人。而名所在、謗亦隨之。或有疑其包藏不軌、而沮行趾者、始確信宋學、既有疑。取所著經解、盡焚之、更作聖教要錄、非斥程朱、無所忌憚。以是禁錮于赤穂。

士爲知己死  
晉ノ豫讓ノ言。

赤穗侯淺野長直聞其賢親執弟子禮事之既而以  
祿千石聘之素行在赤穗十年常以經義與兵法教  
諭闔藩士人嘗謂侯曰臣聞士爲知己死公不以臣  
之愚待臣以國士宜一死以報萬一緩急豈無所償  
哉侯大喜

元祿  
東山天皇ノ年號  
(三〇八一—三〇六)  
卒年  
貞享二年(三〇五)

後至元祿年間其孫長矩賜死而國除遺臣四十七  
人果有復讎之舉識者以爲素行教育所致卒年六  
十四。(事實文編)

緩急 倚賴 不軌 翰略 邂逅 忌憚 吐露

四三 大高忠雄訣母書

青山延光

大高忠雄稱源五淺野長矩臣也長矩國除忠雄  
與弟小野寺秀富甥岡野包秀俱赴義母小野寺  
氏謂之曰汝等上無負先君下無辱祖先我復何  
憂忠雄等益奮勵留母於國往京師尋赴江戶偵  
謀數月還京後將再赴江戶貽書母曰

雄東赴江戶將舉大事母之所知也一國之士荷先  
君重恩者不可勝數而雄一介賤士非受非常之遇  
者今縱侍養終身人未必譏之但職在替御親近左  
右而一旦遇不虞之變所以日夜悲慕不能忘然先

一介  
一箇  
替御  
近侍ナリ。



不貲之身  
貴重量ル可カラ  
ザル身。

大學君  
長矩ノ弟、大學  
頭長廣。  
茅土  
封土ナリ。

君固已坐國家之法。法其可讎乎。此雄等之所以斂手輸城、而不敢抗拒也。

嗚呼、先君不惜不貲之身、不顧數世之社稷、以洩積憤於一擊之間、而刃纔及仇人、法已加先君。先君之怨如何哉。眞天下之至痛也。爲之臣子者、孰不欲挺身奮銳、以襲仇家。然大學君方蒙譴、屏居於家。安知幕府之不胥茅土於他日哉。又安知吉良氏之不獲責於他日哉。大學君獲邑、則先君之祀不絕。吉良氏獲罪、則先君之怨得伸。夫如是、雄等伏刃以殉先君可矣。此雄等之所以降志忍恥、而有所待也。今幕府

宗國  
安藝ヲサス。時  
長矩ノ宗家淺  
野綱長、安藝ノ  
廣島ニ治ス。

虧喪  
カケウシナフ。

命錮大學君於安藝。先祀決不可繼。大事決不可緩。而衆或謂、今宜以死請幕府。不見許、則可以舉事。嗟乎、事既至此、何可復請。請而不獲、然後舉事、此讎國家之法也。非惟累大學君、將並累宗國。此雄等之所以決策而東也。

雄等固非悖驚陵上者。然一旦犯法、罪及家屬、亦未可知也。果然、母宜從容就刑。勿先事自盡。假令吾母而軟弱畏死、如他婦女、則雄亦不能無顧慮。賴吾母賢明、勵雄等以大義、毫無虧喪。雄等以此奮勵、視死如歸。實有天助。雄今年三十又一、秀富二十又七、包

秀二十又三、並少壯勇銳。以此決鬪、孰能當者。大讎在吾掌握。幸勿以為念。獨所恨者、吾母既老、侍養無人。將何以慰餘年哉。雖然、忠孝難得兩全、母之所知、今復何言。如姊妹乳母、請善諭之、勿令悲慟。願母以暇日、詣寺院、焚香禮佛、優游自適。亦可以忘憂矣。今當永訣、臨紙涕泣、不知所言。(赤穗四十七士傳)

安知吉良氏之不獲責於他日哉

四四 烈士喜劍碑

林 鶴 梁

喜劍者、不詳何許人。或云、薩藩士。蓋奇節士也。元祿

大石良雄  
赤穗藩ノ家老。

遊行  
遊ビ樂ム。

中、赤穗國除、大石良雄、去在京師。時物論囂囂言其有復讎之志。良雄患之、故假歌舞遊行、以滅人口。喜劍素與良雄不相識。然竊希物論不虛。及聞其遊蕩不已、心甚不懌。乃招良雄、同飲于一樓、以微言諷之。良雄不應。因更反復直言。良雄猶不應。笑言自若。無承服色。喜劍乃怒、目大罵曰、汝真人面而獸心也。汝主死、汝國亡。汝為大臣而不知報仇。非獸而何。余將獸待汝。於是展左脚、盛魚膾數臠于脚指頭、使良雄食之。良雄夷然俯首喫之。畢、舐指頭餘瀝。時良雄啞啞之笑聲、與喜劍叱叱之罵聲、喧然聞乎樓外矣。

嚙  
肉片。  
啞啞  
大笑ノ聲。

于役  
君命ヲ受ケテ使  
ニ往クコト。于  
ハ往ク意。

既而喜劍于役江戶、適聞赤穂人報讎事、問之、則同謀四十六人、良雄其首也。喜劍愕然曰、吁、余死矣。夫余目獸視良雄、乃我目之罪也。余舌獸罵良雄、乃我舌之罪也。余足獸食良雄、乃我足之罪也。余心獸待良雄、乃我心之罪也。一身皆罪、吁、余死矣。於是託病歸國、公私了事、復來江戶、則良雄既與同謀之士、皆賜死葬之。江戶泉岳寺中、乃詣其墓、拜曰、我當面謝萬罪于地下耳。乃拔刀屠腹而逝。有人又葬之其墓側。


夫喜劍氏初之與良雄不相識、而希其有義舉、中之

直言忠告、至罵而辱之、終之殺身、明志以謝其罪、雖

非中行之士、其奇節可謂不恥古之俠者矣。

中西伯基亦奇士也。恒喜談忠臣烈士事、啻啻不離口。嘗憾喜劍有此奇節、而世多不知也。欲別建一石于泉岳寺、略記事蹟、以示後人。乃齎費金若干、來徵文于余。余時

年方二十七、八、未嘗作金石文字、固辭不可。乃約自



泉岳寺義士墓

中行之士  
行ノ中庸ヲ得タル人。

秩  
十年ヲ一秩トイ  
フ。

兩債  
金錢ト文章トノ  
負債。

今學文十年、而後草之。時余貧甚。伯基乃留其金、使  
余自救。爾來荏苒過二十餘年。今則伯基年踰六秩、  
余亦五十餘。皆頽然老矣。余乃爲文、出金、致諸伯基、  
遂償兩債。嗟乎、喜劍之死固奇矣。伯基此舉亦奇矣。  
獨恨余文不奇耳。(鶴梁文鈔)

(一) 物論囂囂 笑言自若、直言忠告 頽然老矣

(二) 微言 承服 夷然 荏苒 愕然

(三) 心甚不憚 不之知也  
心不甚憚 不知之也

阪井虎山

名ハ華、廣瀨藩  
ノ儒者。嘉永三  
年(五〇)歿ス。  
年五十三。

四五 泉岳寺

阪井虎山

山岳可崩海可翻。

不消四十七臣魂。

墳前滿地草苔濕。

盡是行人流涕痕。

菊池三溪

名ハ純、紀伊ノ  
人。明治二十四  
年歿ス。年七十  
三。

昆刀  
昆吾ノ劍。

四六 鍛工助弘傳

菊池三溪

鍛工助弘稱越前守。初名直助。凡其所鍛鍊、亡論刀  
劍槍矛、銳利堅剛、不惟昆刀切玉。人皆稱新刀正宗。  
蓋正宗者、古名工、以鍛刀著者也。

初、赤穗城主淺野氏臣、有小野寺十内家、甚貧困。一  
日、與諸僚會于朋友宅。衆士各品評其佩刀、真贋、藩

甄別  
明カニ鑑別スル。

老大野九郎兵衛、亦在座焉。善甄別刀之所出、鄉貫。曰、「相州。」曰、「備前。」百不錯一。舉座歎稱、服其明眼。最後及十内、佩刀。刀鈍而鞘剝。大野嘲哂、極口罵其不武。十内銜之、不形辭色。時直助爲十内家奴、隔壁聞之、深恚其亡狀、切齒曰、「老奴不遜、敢辱主公、所不雪此怨者、不復生見人。」即乞暇、陽言曰、「願得歸省鄉里。」十内聽之、乃結束而發。草行露宿、具嘗艱苦、遂達于浪華片町、詣鍛工近江宅。近江者、攝州名工、世呼曰「神刀鍛冶」。直助彷徨其門外、家人怪問其所自、曰、「僕有志願在焉、欲見主翁。」

門子  
弟子。

面請之。家人白之。近江近江延而見之。直助請爲門子。辭氣激切、一若有素望者。乃憫而舍之。直助權爲其家奴、操作之暇、一意攻其業。手試運鎚法、丁丁作響。寢則叩其枕函、食則打其杯碗、終夜不止聲。家人病之、毀言日至於近江之耳。近江舍而弗問。如此者三年、業大進。

提命  
懇切ナル敬。  
三裘葛  
三箇年。

硯  
砥石。

直助一日、從容謂近江曰、「生在師門、辱提命者、三裘葛于茲、頗覺有所得。願假師之一臂、得鍛寸鐵、則志願達矣。敢請幸見聽乎否。」近江首肯。直助大悅、乃齋戒七日、鍛鍊作一刀。近江執鎚助之。刀成而加硯、神

光如水。雖古名刀，不多讓也。近江嗟稱，舉繼其後，以女妻之，冒以己姓，號曰津田越前守助弘。助弘乃挈其所手鍛一刀，東下，詣舊主小野寺氏，寄贈，且泣曰：「此下奴精神所凝結，願主公以此洗雪昔日污辱，庶足償多年志願。」邪。十內感喜，為動容，深謝其篤志，坐臥佩服，不離其側。無幾，有報仇之事。十內當夜帶此刀，斫仇家門，手斃數人。後十內與同盟諸士，同賜自刃。刀遂為泉岳寺遺物，今歷百餘年，如新發。

三溪氏曰：衆藝百工，所以名于世者，皆精神至誠所

三尺  
刀劍ヲイフ。

貫加以鍛鍊之功也。鍛工助弘，眇然一匹夫耳。特出其至誠，欲雪主家之辱，精神所注，竟獲無比。三尺以為異日報讎之用，自非鐵心石腸人，安得鍛鍊此快刀乎哉。（本朝虞初新誌）

品評 眞贋 結束 切齒 不遜  
丁丁 毀言 嗟稱 首肯 彷徨

四七 林子平傳

齋藤竹堂

仙臺有奇士，曰林子平。倜儻有大志，常見人之飽暖自安者，以為遭變故，則不堪其用也。於是寒素自給，

倜儻  
才氣ノスグレタ  
ルコト。  
變故  
變事ヲイフ。

襤褸  
ボロ着物。  
糲食  
玄米ノ飯。

鎮臺  
長崎奉行。

雖<sup>モ</sup>檻<sup>ヲ</sup>樓<sup>ニ</sup>糲<sup>ヲ</sup>食<sup>シ</sup>不<sup>レ</sup>厭<sup>ム</sup>。自<sup>ラ</sup>視<sup>ト</sup>猶<sup>ホ</sup>在<sup>ル</sup>兵<sup>陣</sup>間<sup>ニ</sup>。性<sup>ハ</sup>健<sup>ク</sup>步<sup>キ</sup>好<sup>ク</sup>遊<sup>ビ</sup>。四<sup>方</sup>無<sup>レ</sup>遠<sup>ク</sup>弗<sup>レ</sup>至<sup>ラ</sup>行<sup>キ</sup>輒<sup>チ</sup>躡<sup>リ</sup>屐<sup>ヲ</sup>如<sup>シ</sup>往<sup>ル</sup>來<sup>ス</sup>隣<sup>ニ</sup>里<sup>者</sup>人<sup>ノ</sup>不<sup>レ</sup>知<sup>ル</sup>其<sup>ノ</sup>行<sup>キ</sup>千里<sup>ノ</sup>之<sup>レ</sup>遠<sup>キ</sup>也。所<sup>レ</sup>過<sup>ル</sup>風<sup>土</sup>之<sup>レ</sup>美<sup>シ</sup>惡<sup>シ</sup>地<sup>勢</sup>之<sup>レ</sup>利<sup>害</sup>政<sup>刑</sup>民<sup>俗</sup>之<sup>レ</sup>得<sup>失</sup>皆<sup>レ</sup>諳<sup>ニ</sup>知<sup>ル</sup>之<sup>ヲ</sup>尤<sup>モ</sup>注<sup>ス</sup>心<sup>ヲ</sup>於<sup>テ</sup>邊<sup>防</sup>前<sup>ニ</sup>是<sup>ヲ</sup>寓<sup>ス</sup>藩<sup>醫</sup>工<sup>藤</sup>球<sup>卿</sup>家<sup>球</sup>卿<sup>素</sup>有<sup>ル</sup>邊<sup>防</sup>之<sup>レ</sup>議<sup>ヲ</sup>子<sup>平</sup>論<sup>與</sup>之<sup>ヲ</sup>合<sup>ス</sup>於<sup>テ</sup>是<sup>ニ</sup>從<sup>テ</sup>鎮<sup>臺</sup>再<sup>レ</sup>遊<sup>ビ</sup>長<sup>崎</sup>接<sup>シ</sup>異<sup>邦</sup>



林子平

人<sup>ノ</sup>咨<sup>テ</sup>訪<sup>ル</sup>海<sup>外</sup>諸<sup>國</sup>情<sup>狀</sup>益<sup>ク</sup>知<sup>ル</sup>邊<sup>防</sup>之<sup>レ</sup>爲<sup>急</sup>。

既<sup>ニ</sup>東<sup>歸</sup>遂<sup>ニ</sup>著<sup>ス</sup>海<sup>國</sup>兵<sup>談</sup>若<sup>ク</sup>干<sup>卷</sup>大<sup>意</sup>以<sup>テ</sup>爲<sup>ス</sup>西<sup>北</sup>諸<sup>蕃</sup>

朶頤

オトガヒヲ動カ  
シテ物ヲ食ハン  
トスルコト。即  
チ他ヲ併存セン  
トスル意。

鄂羅斯  
露西亞。

三國通覽  
朝鮮・琉球・蝦夷  
ノ地理書。

概<sup>ニ</sup>以<sup>テ</sup>奪<sup>ル</sup>地<sup>ヲ</sup>拓<sup>ク</sup>疆<sup>ヲ</sup>爲<sup>ス</sup>務<sup>ニ</sup>威<sup>力</sup>日<sup>ク</sup>強<sup>ク</sup>必<sup>ズ</sup>且<sup>ニ</sup>朶<sup>ニ</sup>頤<sup>於</sup>我<sup>ニ</sup>而<sup>シ</sup>彼<sup>ノ</sup>長<sup>ク</sup>航<sup>海</sup>洪<sup>波</sup>大<sup>濤</sup>視<sup>ト</sup>如<sup>シ</sup>坦<sup>途</sup>我<sup>ノ</sup>環<sup>國</sup>皆<sup>レ</sup>海<sup>近</sup>自<sup>リ</sup>日<sup>本</sup>橋<sup>至</sup>鄂<sup>羅斯</sup>阿<sup>蘭</sup>陀<sup>同</sup>一<sup>ノ</sup>水<sup>路</sup>無<sup>レ</sup>有<sup>ル</sup>阻<sup>隔</sup>彼<sup>欲</sup>來<sup>即</sup>來<sup>而</sup>我<sup>拱</sup>手<sup>無</sup>備<sup>亦</sup>已<sup>危</sup>矣。必<sup>ズ</sup>也<sup>節</sup>國<sup>用</sup>修<sup>兵</sup>備<sup>瀕</sup>海<sup>要</sup>地<sup>設</sup>臺<sup>置</sup>砲<sup>數</sup>年<sup>而</sup>沿<sup>岸</sup>皆<sup>壘</sup>儼<sup>然</sup>成<sup>一</sup>大<sup>長</sup>城<sup>矣</sup>。然<sup>後</sup>一<sup>旦</sup>有<sup>變</sup>以<sup>テ</sup>逸<sup>待</sup>勞<sup>庶</sup>可<sup>無</sup>患<sup>而</sup>尤<sup>可</sup>慮<sup>者</sup>我<sup>ノ</sup>南<sup>北</sup>諸<sup>島</sup>委<sup>而</sup>不<sup>顧</sup>彼<sup>或</sup>據<sup>之</sup>是<sup>異</sup>日<sup>之</sup>大<sup>患</sup>也。因<sup>著</sup>三<sup>國</sup>通<sup>覽</sup>以<sup>論</sup>諸<sup>島</sup>之<sup>形</sup>勢。

二<sup>書</sup>既<sup>上</sup>梓<sup>海</sup>內<sup>未</sup>嘗<sup>知</sup>外<sup>寇</sup>之<sup>如</sup>此<sup>也</sup>咸<sup>謂</sup>諸<sup>蕃</sup>之<sup>來</sup>商<sup>船</sup>耳<sup>漁</sup>舶<sup>耳</sup>曷<sup>有</sup>他<sup>志</sup>彼<sup>張</sup>皇<sup>無</sup>根<sup>之</sup>事<sup>不</sup>

寬政壬子  
寬政四年(四三三)  
閑院宮  
光格天皇ノ御父  
典仁親王。  
樂翁公  
松平定信。

過爲釣名計。幕議亦以爲然。命毀梓。且禁錮于仙臺。時寬政壬子五月十六日也。先是閑院宮贈諡未決。物議騷然。子平見樂翁公。公談及其事。子平笑曰。天朝之於幕府。是一家事。縱令有變。亦猶夫妻在席之爭耳。不至失家也。若夷虜。則是在外之大盜。苟不爲慮。必至併家奪之。安可不憂哉。蓋其以邊防爲憂也如此。

飽暖自安 寒素自給 檻樓糲食 視如坦途

四八 其二

六無歌  
親も無し妻無し  
子無し版木無し  
金も無けれど死  
にたくも無し。  
一兵談並三國通覽  
相屈候段被入  
御念被仰下  
承知。先頃も申  
達候通、御寫候  
とも御取念ぎに  
不及候。寛々御  
寫可被成候。  
去年中に候は  
一部や二部は進  
上可仕候處、御  
存の通、當時は  
絶板被仰付候  
に付、拂底物に  
相成、手前にも  
此一部外無之  
候故、乍殘念、  
進上は仕難く  
候。種本に殘し  
置可申候。必御  
急ぎに不<sub>レ</sub>及候  
間、ゆる<sub>レ</sub>御  
うつし可被成  
候。

至是子平作六無歌自號六無齋主人。蓋以寓逍遙自適之意焉。時輒爲子弟談兵。罵世之講兵主一家曰。甲曰。越者曰。彼何適用。苟欲適用。不若讀古戰記錄。而察其勝敗之由。爲有得也。又見子弟之讀書者曰。讀書可也。然足迹遍天下者。然後讀書。亦足以爲用。卿輩足未嘗出里閭。何足爲用哉。

歲嘗饑。爲藩老佐藤伊賀著富國策。



甲 甲斐ノ武田信玄  
越 越後ノ上杉謙信  
里 里門  
甲門。郷里ヲイフ。

以爲東海多鯨。苟能捕之。亦足以助國用。其他陳省費濟財之術。雖不行。識者知其可用焉。又著父兄訓。蓋謂前是童蒙有訓。然今之世。父兄亦不可無訓也。隨筆雜記有數卷。皆居常聞見所得。巨細盡載。亦多裨人者。

中山亞相  
大納言中山愛親

待風浪于萬一  
元寇ノ時ノコトヲサス。

同時高山正之。蒲生秀實。皆以奇士稱。然不與子平合。初子平在京師。謁中山亞相。亞相盛稱正之慷慨論時事。涕隨言下。狀子平曰。彼有泣癖耳。今時昇平。奚以泣爲。即可憂者。唯邊防。而彼一泣外。計無所出。公亦以彼爲善。不知一旦外寇之變。坐待風浪于萬

措大  
書生ヲイフ。

鄂虜之變  
文化四年(一四七)  
露西亞ノ蝦夷ニ寇セルヲイフ。

天保壬寅  
天保十三年(一八三二)

一耶。秀實亦嘗訪子平。行裝甚野。子平一見罵曰。何物措大。鄙野乃爾。秀實亦忿曰。田舍翁之慢人。亦至此耶。不交他語而去。子平既廢。閱歲歿。其後十餘年。東陞果有鄂虜之變。秀實服其先見。上閣老書曰。祭子平之墓。而謝其靈可也。及幕議修邊防。蓋亦有取於其言。追賜赦。姪某始封其墓。事在天保壬寅。距其死凡五十年。子平名友直。子平其字也。論曰。余在郷。常從互理往齋遊。往齋即受兵於子平者也。嘗爲余言曰。子平爲人磊落。而守己謹嚴。尤有

本藩  
仙臺藩アイフ。

國歌  
月と日のかしこ  
みなくば折折は  
人目の關も踰ゆ  
べきものを。

可稱焉。子平自禁錮之後、幽居一室。人或謂之曰、子雖禁錮、事係幕議、非出本藩之意。且歲月已久、雖間出遊、莫或知者。何不出訪隣里友朋、而自消遣也。子平曰、日月在天、人可欺也。天可欺哉、因作國歌以自述。至死、未嘗隻步出戶庭也。噫、子平之自守如此、豈特一奇士而已哉。(竹堂文鈔)

自適 行裝 隻步 東陞 磊落 消遣

四九 高山彦九郎傳

賴 山 陽

高山正之、上野人也。字彦九郎。家世農。正之生而俊

上野  
國名、群馬縣ニ  
屬ス。

白皙  
色ノ白キコト。

獄胥  
獄吏。

天明  
光格天皇ノ年號  
四年(1824)。

板橋驛  
東京市板橋區ニ  
在リ。

異、喜讀書、略通大義。爲人白皙、精悍、眼光射人、聲如鐘。有奇節。母死、廬於冢側三年。饘粥不給、骨立如枯木。事聞、官欲旌之。其鄉俗喜博奕、健訟、素嫉正之所爲、誣告於吏、繫之獄。獄胥食之不食、已而得出。卽辭家遊四方、求豪俊奇傑之士交之。江戸人江上關龍、豐前、人梁又七、輩最親善。

天明四年、歲饑、所在盜起、上野亦不靖。正之奮袂起、曰、不可使我鄉有此不良事。欲往理之、辭於關龍。關龍欲援之。正之不欲。曷以衷甲受之、獨行至板橋驛。時已夜矣。有二男子、在橋上、相嚮臥、兩尻高而頭凹。

正之念、不蹋不可行。患之已而曰、是官道也。彼塞之、無狀。蹋可、蹋凹處而過。其人蹶起、並呼曰、誰蹋吾頭者。拔刀連鋒追擊。正之顧而睨曰、喝。其人辟易不敢。迫遂往。未至其鄉、過一旅店。有喧嘩飲酒者。則關龍與又七、帥徒殊途先往。會事平會飲也。呼正之同醉。俱還後、官獲劇賊。渠帥自語、平昔未嘗遇難當漢。嘗在板橋、要人行劫。遇一眇小丈夫。瞋目呵我。憶之、今猶股栗也。關龍善劍。每謂正之曰、子雖以氣服人、不熟武藝。遇真英雄、乃窮矣。正之不服。關龍罵曰、彦九無用男子。能死斬我。正之憤然欲拔刀。關龍以手壓

股栗  
股ガフルヘル。

刀櫛  
刀ノツカ。  
暗噫  
怒リテ叫ブ。

殷殷  
憂フル貌。  
平安  
京都。

刀櫛笑曰、止焉。正之暗噫終弗能拔也。於是折節學劍。每夜自試至千遍、乃寢。

- (一) 白晝精悍 慮於豕側 饘粥不給 折節學劍
- (二) 誣告 渠帥 股栗 無狀 辟易 千遍

五〇 其二

正之又喜交文學士。聞人說孝子義僕事、雖遠輒往。問之、轉述之於人。殷殷淚隨聲墮。談古今君臣順逆跡、慷慨如已。與同時關其事。少入平安、至三條橋東。問皇居何方。人指示之。即坐地拜跪曰、草莽之臣正

一權人  
老中田沼意次  
公上  
將軍ヲサス。

一侯  
白河侯松平定信  
衣袴褶  
馬乗袴。

之行路聚觀怪笑不顧也。遊京郊過足利尊氏墓。數其罪惡大罵鞭之三百。故平時見人惡疾之如仇。一權人專利中外愁怨而不敢言。正之與同志語攬涕曰。噫公上百不知也。今接故紙爲幟樹山廟門外號召立可得千許人。於誅豎子何有。聞者掩耳。其後弊事悉革。每聞一號令出。喜形於色。正之遊道極廣。公侯時招致之不辭。嘗抵一侯與政路者。兩童子穿澣濯衣袴褶饋食甚謹。侯指曰。是小兒輩欲長者教誨之。正之聞之逡巡。侯曰。勿然。雖余有闕失願聞之也。正之拜曰。然則有所敢言。往年某

館主人

久留米藩士森嘉  
勝。余跋涉於天下。博探天下之情。略知天下之形勢。然當時天下之不振。幕吏逞其暴。皇道日衰。正之憤皇道之日衰。竊有挽回之志。博覽天下之聖君賢士。而欲成宿志。而時運不至。乎。而事不如此。竟滿腹之義氣。破裂無如。何。於世之意。功不待後。不樂於居腹。不王。正之。幸。有繼其功。而志。其。而。無。遺。憾。而。已。矣。久留米。客。舍。且。朝。久。留。米。新。田。細。谷。隱。士。高。山。彦。九。郎。正。之。書。絶。息。ス。

處民兄弟復父讎者。護送之同囚徒。是等事關風教。願加意焉。侯謝曰。一時指揮不到。後當謹之。其爲世所重。而直己不阿如此。

然正之在東不得意。西遊至筑後。過一關。關吏呵止。正之歸館自刺。館主人驚問故。不答曰。吾館子。子自余跋涉於天下。博探天下之情。略知天下之形勢。然當時天下之不振。皇道日衰。竊有挽回之志。博覽天下之聖君賢士。而欲成宿志。而時運不至。乎。而事不如此。竟滿腹之義氣。破裂無如。何。於世之意。功不待後。不樂於居腹。不王。正之。幸。有繼其功。而志。其。而。無。遺。憾。而。已。矣。久留米。客。舍。且。朝。久。留。米。新。田。細。谷。隱。士。高。山。彦。九。郎。正。之。書。絶。息。ス。

蹟筆郎九彦山高

刃死。無他證。又不知其故。吏來檢尸。何辭答之。願勿殊以待。正之曰。諾。刺刃于腹。與劇談至夜分。吏來。乘

好在  
自愛トイフガ如シ。

燭檢之、又問故。不答。固問曰、「狂發而已。乃握刀深入尺許、即死。臨死、館主問所欲言。正之曰、「寄語海内豪傑、好在而已。正之既死、事傳三都。莫知其所以死。或曰、「受關吏辱、慚憤死也。關龍曰、「吾數罵人、試之、真欲斬我者、獨正之。渠已果於殺人。故亦果於自殺耳。又七聞之曰、「否否、彦九蓋有所感於夢寐中。爾噫、渠雖夢、猶能死者也。」

先人  
亡父。賴春水。  
新田郡  
群馬縣ニ在リ。  
元弘帝  
後醍醐天皇。

外史氏曰、「予幼聞先人善談彦九郎。先人亦嘗數相逢三都間。記其鄉貫、係新田郡細谷村人。先世蓋屬南朝者。其好義、不無所自云。嘗與客語、及元弘帝逃

伯耆  
國名、鳥取縣ニ屬ス。

伯耆事、爭其地名、訓讀。正之曰、「吾嘗再赴伯耆、訪土人、識之。客不復能爭。其人確實類此。先人嘗欲爲之傳、不果。近讀或書正之事、疑爲不軌之民、冤矣。予故略敘所聞如此。(山陽遺稿)

逡巡 闕失 順逆 拜跪 澣濯 教誨 鄉貫

五一 陪遊笠置山記

齋藤拙堂


文政十年九月、我公撫封、移鎮上野城。因巡上笠置山。修故事也。山屬城州、爲後醍醐天皇蒙塵處。今係我藩封域、在上野城西五里。

文政  
仁孝天皇ノ年號。  
十年。(西八七)。  
我公  
伊勢ノ津藩主藤  
堂高猷。  
上野城  
伊賀國ニ在リ。  
城州  
山城國。今京都  
府ニ屬ス。

臣謙  
拙堂、名ハ正謙。

十五日子夜、駕出城門、雙戟啓行。沿路燃炬如晝。臣謙承乏侍讀、得載筆從。比明、老幼夾路觀、欣欣然。十六日食時、達笠置。邑屋稠密、夾木津川。入館傳煖而出。公更獵服、布韃芒鞋。

布韃  
足袋。  
芒鞋  
ワラヂ。  
均服  
武裝ナリ。



木  
步。行。群下均服從之。山  
津  
在。南岸。臨水。曲折如屏。  
川  
渡川就之。繞從西北隅  
盤廻而上。山高十町而

已。太平記爲十八町者誤。入憩福壽院。此行謙囑圖書局齋。太平記乃取之爲公讀笠置條曰。三河人足

陣  
城上ノ姫垣。  
寧樂  
今ノ奈良市。

建久

後鳥羽天皇ノ年  
號(金)一(公美)

款識

陰文ヲ款トイヒ  
陽文ヲ識トイフ

白鳳

天武天皇ノ年號  
十一年。(三三)

天平勝寶

孝謙天皇ノ年號  
四年。(四三)

助二郎重範守城門、以勁弓長箭射殪賊將一人。此爲嚮所過、阪上雙石對峙處。今仍稱爲第一城門。是也。曰及賊逼陣、寧樂般若寺僧兵累以巨石投賊。賊人馬壘粉、因自敗潰、積屍填谷。此亦在城門外。其傍今呼爲地獄谷。可以相證。至賊將陶山藤三小見山二郎間道襲行在、曰此爲山之東北也。

公乃從左右出院。門側有懸鐘、形甚古雅。係建久年製。有款識。字皆遒勁。按此寺白鳳十一年創置。天平勝寶四年創正月堂。歷代修建。號爲宏壯。建久中僧解脫又築般若臺。此鐘亦當時所造。及元弘兵燹後、

不能復舊。獨此鐘爲古物。命僧敲之數杵。聲鏗鏗然。杵止響騰。曰：黃鐘調也。過護法祠。左折。有一大石。頽然橫崖上。曰：藥師石。其西有彌勒石。皆高十丈許。闊稱之。其右高及其半者。爲文珠石。舊各鑄佛像。罹災滅。彌勒猶存。頭上圓光。文珠漫剝。僅存痕跡。右折過佛殿。下而北。有胎藏金剛二石。皆高四丈許。曲折相連。其下開裂丈餘。欲然成窟。窺之深黑。其右隨金剛東面者。鑄虛空藏石。高闊略等。二石佛身專之。彫刻分明。尤爲奇偉。此皆僧侶黠者所設。當時不能護。王法伏賊魔。真不靈頑物耳。

歛然  
クボメル貌。

蒙塵 子夜 盤廻 壘粉 款識 遁勁

五二 其二

又北數十步。得石門。門石長六丈餘。兩傍磐石疊起。承之。其下空闊。可數人並行。左傍一小洞。入數十步。得一竇。纔出。如兒離母體。呼曰：胎內竇。此間怪巖爭立。古木蒼鬱。使人凜然。纔出石門。豁然山水可瞰。起大鼓石。叩之。瑟瑟鳴。其下曰：觀音谷。實爲賊所涉。間路。謙爲公指東北。一村曰：此爲飛鳥路村。係柳生氏之封。當時其民實導賊將。經此。襲陷行營。本邑之民


萬劫  
永久ナリ。

祐信公  
藤堂高幾。

醜之。至今五百餘年、不通婚嫁。言及之、唾罵。臣嘗質之土人、且問曰、今尚然耶。其人瞋目扼腕曰、萬劫如是爾。臣以此知民心之好義、出於天性也。昔者先君祐信公來觀嘉之、稱爲義鄉、親製古風一篇、爲公誦之。公竦聽者久之。又西數百步、有不動巖。巖半垂在崖下。而平等巖在其背。公欲往觀之。侍臣止之。遣數人攀巖肩、匍匐而行。峻險難措足。號爲蟻徑。過徑卽平等巖。巖坦平、廣袤數丈、下臨絕壑。巖上有一圓石、高及人頷、可重數千斤。以手撼之、則兀兀動搖而終不可轉也。號爲搖巖。遂從登行在舊址。爲中峰最高

預  
豫ニ通ズ。

高山公  
藤堂高虎。



笠置山

處。天皇之夢楠公、楠公之上謁陳策、蓋皆在此。今唯見老樹鬱蔥、榛莽蕪穢耳。爲之慨然。穿林而西、得坪。吏預設幄亭、休歇焉。崖上有一石、呼爲吹螺巖。道官軍鳴海螺處。下山來時所駕樓船在焉。藩祖高山公從伐黃相間。命土民習舟者撒網、獲鯉數十頭、獻焉。日下



三鼓  
三更。

春還館命烹鯉賜宴歸入城夜正三鼓。此山在封域中尤爲名勝故督學臣津阪孝綽既有記詳之此行所遇既殊不可不敢重錄以備參考謹按太平記當時官軍護行在者三千餘人皆伊賀伊勢之兵也今我公撫二伊而有之今日所從士卒數百人其中必多義軍之裔且行在之受圍在元弘元年九月此行正值其時追撫往事感念殊深夫爲人臣子者常則勤恪變則仗義授命無古今之異謙職辱風教從遊豫飽飲食而徒然無述焉臣所懼也因謹記如此。(拙堂文集)

遊豫  
アソビタノシム  
コト。

行在 幄亭 下春 遊豫 唾罵 藟鬱


五三 梅溪遊記

齋藤 拙堂

梅溪 伊賀・大和二國ノ界ニ在リ、月瀬尤モ名アリ。  
同人 同志ノ人。ココハ同行者ノ意。  
三學院 寺ノ名。尾山村ニ在リ。  
文稼 服部文稼、津藩ノ儒者。  
詰曲 屈曲。  
皓然 白キ貌。

一目千本、尾山八谷之一也。花最饒故有此名。蓋比芳野櫻谷云。余與同人出三學院下前崖覺山水與梅花皆已佳絕任意而行至一大谷。文稼識而言之。徑詰曲而上花夾之步出其間如踏白雲而行數百步達巔。下顧彌望皓然與溪山相輝映。余嘗遊芳野觀其一目千本有此盛而無此勝。又嘗觀嵐山櫻花有此勝而無此盛也。更求之西土以梅

孤山 浙江省杭縣ニ在リ。  
 鄧尉 山ノ名。江蘇省吳縣ニ在リ。  
 羅浮 山ノ名。廣東省增城縣ニ在リ。  
 翁勃 盛ナル貌。



湖 月

花名者、杭之孤山、境蓋幽、花則寥寥。蘇之鄧尉、花頗多、地則熱鬧。唯羅浮梅花村、對峻峰、臨寒溪、而花尤饒。庶幾可比我梅溪歟。日已斂昏、花隱淡煙中、千樹依約、不見其所極。暗香翁勃襲人、聞溪聲益近、且大。至咫尺、不辨色、而後去。

五四 其二

昏黑、還入院。欲俟月升、復出觀花也。余平生想梅溪

今歲 天保元年(西元九〇) 今月 二月。

清川幽篔隔紅塵。雞犬寥寥洞裡春。僻境衣巾非魏晉。編民姓族定朱陳。山田萬石玉爲食。籬落十村芳是隣。笑殺凡桃少仙骨。種花不學避秦人。  
 邵康節 名ハ雍、諱ハ康節、宋ノ大儒。離披 滿開。

月夜之奇、欲一遊併之。每歲春、有人自伊來者、輒詢之花之開謝、與月之虧盈、每齟齬不相合。遲之七八年、至於今歲、欲以今月望前來。然以地在中、著花

信川幽篔隔紅塵、雞犬寥寥、洞裡春、僻境衣巾、非魏晉、編民姓族、定朱陳、山田萬石、玉爲食、籬落十村、芳是隣、笑殺凡桃、少仙骨、種花不學、避秦人。

齋藤抽堂筆蹟

殊晚、其盛開常在春分前數日、而春分在今月之末。

如其無月、何忽思邵康節詩云、賞花慎勿至離披。私謂及半開則可。何待其爛漫。遂以望後三日來。豈意花開已七八分、或將十分、實望外之喜也。獨奈日已

落、黑雲覆天。意殊悵悵。

文稼風流。士公圖以詩名海內。而半香善畫山水。餘人亦皆吟咏揮灑。少慰愁悶。俄而小奚來報曰。雲破月出矣。衆驚喜走出。時將二更。月色清朗。步抵真福寺。枝枝帶月。玲瓏透徹。影盡橫斜。寶鈿玉釵。錯落滿地。水流其下。鏘然有聲。覺非人境。傍岸西行。前望月瀨。水清如寒玉。漾月影。燧作銀鱗。而兩山之花。倒蘸其上。隱約可見。一棹中流。山水俱動。吾平生之願。至是酬矣。(月瀨紀勝)

開謝 虧盈 玉釵 玲瓏 透徹

公圖 梁川五緯、字ハ公圖、星巖ト號ス。  
半香 福田信、字ハ吉人、半香ト號ス。  
小奚 童僕。  
真福寺 尾山村ノ西端ニ在リ。  
倒蘸 倒ニウツル。

鏘然 吟咏 揮灑 清朗 錯落

五五 豫科卒業生宴集引 鹽谷時敏

第一高等中學 今ノ第一高等學校ノ前身。豫科二年、本科二年トス。

首服 冠ナリ。  
武弁 武家。  
武田信勝 勝頼ノ子。  
天目山 山梨縣ニ在リ。天正十年、武田勝頼コノ山ノ麓ニ自刃ス。

第一高等中學豫科一級生百有餘人、既畢、諸課之試、舉宴於某所、以祝前途之榮。

余乃起而言曰、諸子亦嘗聞元服之禮乎。古禮、男子年十五以上、加首服、責以成人之道。上自萬乘、下至士庶人、莫不皆然。武弁執政、尤重此禮。如武田信勝、殉天目山之難、以未行首服、就陣中、匆卒舉儀、可以知其一斑。近古俗益趨簡易、但別去前頂髮少許、以

蟻 蟻ノ行ク説。  
魯昭 魯ノ昭公。  
春秋 魯昭公十九年矣、猶有童心。

爲式而請宗族故舊、年老有勳、閑若才德者爲賓、演說閱歷故事、或誦聖賢語、以訓戒之。夫人呱呱而生、蠕蠕而長、自壯至老、無禮以爲之隔限、將有不自知其年之長、而猶有童心者。此魯昭所以被譏於春秋也。

明治中興、百度維新、舊俗漸亡、新儀未作。少年子弟、在家不聞孝弟之訓、在國不見禮儀之俗。而學校之教、又精於藝業、略於行儀、倨傲簡慢、不知禮讓爲何物。凌侮父兄、輕蔑尊長、風俗壞亂、職此之由。識者慨焉。今諸子以超群之資、負州閭之望、辭親戚、離桑梓、

水野忠善 德川氏ニ仕ヘ、三河ノ岡崎五萬石ヲ領ス。

暨暨乎 果毅ノ貌。

其中 ソノ心。精神。

來入此校、螢雪積功、羽翼始成。雖齡有少長之差、才有敏鈍之別、皆能卒豫備之業、就專門之緒、越童幼之域、溯成人之道。比之元服之禮、蓋亦不甚相遠也。昔者水野忠善爲其子忠春行擐甲儀、請一耆老爲賓。忠春結束既畢、踞胡床而坐。賓舉觴祝曰、美哉暨暨乎。將爲經文緯武之將、以揚祖先之耿光。旋到其背後、撞落之床曰、其中未可保也。余儕不才、何敢望於耆老。請誦古訓一道、以代祝規。曰、行百里者半九十。諸子其勉諸。(青山文鈔)

勿卒 閱歷 倨傲 職此之由 職由

木戸孝允  
山口ノ人。維新  
ノ元勳。明治十  
年歿ス。年四十  
四。

五六 偶成

木戸孝允

一穗寒燈照眼明。  
 回頭知己人已遠。  
 世難多年萬骨枯。  
 年如流水去不返。  
 邦家前路不容易。  
 山堂夜半夢難結。

沈思默坐無限情。  
 丈夫畢竟豈計名。  
 廟堂風色幾變更。  
 人似草木爭春榮。  
 三千餘萬奈蒼生。  
 千岳萬峰風雨聲。

五七 振作國民精神大詔

朕惟國家興隆之本在於國民精神剛健不可不涵  
 養之振作之以固國本是以先帝留意教育基乎國  
 體遡乎淵源揭皇祖皇宗之遺訓昭示其大綱後又  
 詔臣民勸忠實勤儉申信義之訓垂荒怠之誡是莫  
 非所以皆尊重道德涵養振作國民精神之洪謨爾  
 來趨向一定效果大著以致國家興隆朕即位以來  
 夙夜兢兢常思紹述俄遭災變憂悚交至輓近學術  
 益開人智日進然浮華放縱之習漸萌輕佻詭激之  
 風亦生不及今革時弊恐或失墜前緒況今次災禍  
 甚大文化之紹復國力之振興皆待于國民精神乎。

洪謨  
大イナルハカリ  
ゴト。

兢兢  
イマシメツツシ  
ム貌。

災變  
大正十二年ノ大  
震火災ヲ指ス。

是實上下協戮、振作更張之秋也。振作更張之道、無他。在於恪遵先帝聖訓、舉其實效耳。宜崇教育、淵源、努智德、並進、肅正綱紀、匡勵風俗、斥浮華放縱、趨乎質實剛健、矯輕佻詭激、歸乎醇厚中正、明人倫、而致親和、守公德、而保秩序、重責任、尙節制、揚忠孝義勇之美、篤博愛共存之誼、入則恭儉勤敏、服業治產、出則不偏一己之利、竭力公益世務、以圖國家興隆、與民族安榮、社會福祉也。朕冀賴臣民協翼、彌固國本、以恢弘大業。爾臣民其勉之。

新中等漢文卷三終

(略名) 至文佐久漢文

昭和昭和昭和昭和昭和  
 和和和和和和  
 十十十十十十  
 六六六六六六  
 年年年年年年  
 七十七十七七  
 月月月月月月  
 二二二二二二  
 十十十十十十  
 八八八八八八  
 日日日日日日  
 訂訂訂訂訂訂  
 正正正正正正  
 三三三三三三  
 版版版版版版  
 發發發發發發  
 行行行行行行

新中等漢文	定價
卷一	金參拾五錢
卷二	金五拾五錢
卷三	金五拾五錢

著 者 佐 久 節

發 行 者 東 京 市 麴 町 區 飯 田 町 二 丁 目 二 十 番 地 中 等 學 校 教 科 書 株 式 會 社

代 表 者 山 本 慶 治

印 刷 者 東 京 市 京 橋 區 銀 座 西 二 丁 目 三 番 地 三 協 印 刷 株 式 會 社

代 表 者 高 橋 郁



發 行 所

東 京 市 麴 町 區 飯 田 町 二 丁 目 二 十 番 地 中 等 學 校 教 科 書 株 式 會 社 日 本 出 版 文 化 協 會 會 員 番 號 一 一 七 五 二 二

配 給 元 日 本 出 版 配 給 株 式 會 社 東 京 市 神 田 區 淡 路 町 二 九

